



大哀經

西晉三藏竺法護譯



清刻龍藏佛說法變相圖

大哀經卷第一

周三

西晉三藏竺法護譯

莊嚴大會法典品第一

聞如是一時佛在王舍城靈鷲山古昔諸佛之所遊居如來威神之所建立其地道場諸菩薩衆所共咨嗟無極法座天龍鬼神捷沓和等咸俱歸命稽首爲禮而於佛土宣暢德本如來威光慕樂法門菩薩神明等入無量無限功德如來所行成等正覺轉妙法輪爲極元首善宣開化於一切法而得自在所度無極明曉衆生志性所趣覩其諸根便度彼岸曉了一切蠲除罣礙諸所止處爲作佛事而無俗業堅住於行莫能當者大比丘衆六百萬入一切仁明滅除塵欲無衆蔽礙則爲如來法王之子行深妙法其所由生不從顛

倒柔輒和雅威儀禮節而皆備悉爲大衆祐
如來之道而得親近諸菩薩衆不可稱計行
無罣礙決了普智諸通敏慧又諸大菩薩大
慈大哀興布法雲而演電明爲雨甘露飽滿
衆生久遠飢渴等心一切執志如地諸所妄
想倚著結縛皆已除棄熙隆弘恩道品之法
三十有七猶如日殿聖慧之宮明智光曜靡
所不照滅大幽冥顯示世間指其道路宣其
德本若如蓮華開闢之時枯竭恩愛志深泐
池興立正業具大神通遊於虛空譬如月宮
照乎夜暗所可遊行等心衆生得其志性靡
不欣悅善權方便有益無損至於道誼亦無
增減普現所行志若須彌堅住不動常修梵
行供養三寶於諸境界無能移轉過諸世間
之所有法毀訾誹謗現於一切諸佛國土而

現親厚神曜遠照志如大海其器廣大盛滿
法水修菩薩行一切衆生之所宗戴猶如師
子君主最尊奉四聖諦懷於大悲心慕慈愍
寂然觀察所察普顯於深妙法而無所畏壞
諸外道於無央數百千諸劫究竟無底其若
菩薩行不以懈倦一切諸德悉已具足其名
周三
曰普觀見無盡菩薩皆觀諸國莊嚴徧現菩
薩如來種性成就無退菩薩威儀化衆示無
瞋恚菩薩無量辯才幢英變音菩薩積累清
淨金光威神王菩薩分別光明辯解散句菩
薩生無量福積累親業菩薩如是等類無數
菩薩於是世尊頒宣法門名曰生諸菩薩佛
成正覺時十六年見諸梵行普皆興盛觀諸
菩薩咸來集會欲演如來諸持法藏而衆開
士皆悉雲至佛自念言吾寧重增諸菩薩行

使得將護興立道行曾有經典講無蓋門如來所爲無極變化爲諸菩薩大士之衆當令進入如來境界於時世尊以佛境界變現如來三昧正受佛適以此佛境界變現定意正受衆祐聖旨上虛空中自然高座如三千大

千佛土廣大高遠上至欲界及無色界悉佛正行如來功德之所興化諸菩薩衆性行清淨照於十方諸佛世界悅可無量衆生意行一切諸天龍神宮殿靡不照曜請召十方諸菩薩等咨嗟無量名德之稱悉坐無數重閣

周三

三

交露或有紫金以爲牆壁吉祥藏寶以爲軒窗以碼碯寶而作戶牖明月藏寶以爲欄楯離垢光寶以爲戶扇以普明寶而爲重閣一切衆寶而爲垣障垂諸貫珠豎衆幢幡而然庭燎懸諸繒蓋上好栴檀而用堊塗異妙栴

檀可意衆香懷來越度海中名香而用然之龍所出寶若干種華而散其上衆寶之樹羅列而行諸寶香爐巍巍微妙其所光飾普周十方諸佛世界清淨奇妙歡悅人心普悉現於高座之中其師子座不可稱數億百千姪而自然現高座瓌麗廣長而峻衆所欽樂莫不欣慶此四大域所有部界則自然生四萬宮殿而甚高大又其欄楯高四丈九廣二十里以夜光珠離穢寶珠梵英寶珠懸在幡蓋而以紫金莊飾交露出自然音從地以上乃至高座又旣崇妙自然化成無有作者如是此四域所興變化三千大千世界亦復如是諸有四域悉等無異皆自然生無極宮殿於時世尊安隱寂然從三昧起應時三千大千世界六返震動其大光明靡所不照佛與菩

薩諸弟子衆眷屬圍繞諸天在上歌詠功德
而雨衆華散諸天衣覆蓋虛空燒衆名香笙
篴樂器而自然鳴十方佛國皆自然動光照
無量諸佛國已佛大神足無極變化境界無
限威神無際聖光無邊感動無底於靈鷲山
忽然不現與大衆俱諸天龍神捷沓和阿須
倫迦留羅真陀羅摩睺勒侍從世尊欲聽經
法又四天王與諸天俱見佛世尊欲詣講堂
於上叉手雨諸天華供養大聖以偈讚曰
日月之威曜 明珠天炎暉 佛光悉蔽之
消滅三惡道 其明徧佛土 越須彌鐵圍
悉歸命最勝 咸各懷踊躍
時四天王從諸天人各以此偈讚世尊已欣
戴無量時天帝釋與忉利天見於大聖欲詣
大殿至高座所則施供養雨諸天香散于佛

上叉手以偈而歎頌曰

神足度無極 顯變化無等 現千億佛土

最勝日以出 降伏諸魔界 普德淨莊嚴

其神足自在 稽首無等倫

忉利諸天偈讚佛已侍從世尊時須焰天王

見佛欲詣宮殿佛高座所雨於天衣叉手讚

佛

安住慧無量 普知衆生性 無著如虛空

皆達三世事 一心入諸行 悉曉群生性

是故可奉敬 三世悉戴仰

時焰天王偈讚佛已侍從世尊堯率天王與

諸天俱見於世尊欲詣宮殿大高座所雨天

珍寶而供養佛叉手讚曰

宣暢於經義 觀如幻野馬 彼則無文字

何有意猶豫 興愍哀衆生 故佛讚尊法

歸知法自然 勝曉無吾我

時梵率天王偈讚佛已侍從世尊無憍樂天
王與諸天俱見於世尊欲詣宮殿大高座所
雨寶瓔珞供養上佛又手讚曰
顯示于法身 十方如虛空 最勝現色像

愍哀而開化 宣法無有色 最勝行普平
禮法自然慧 明識一切議

無憍樂天以偈歎佛侍從世尊化自在天與
諸天人見於世尊欲詣宮殿講堂高座雨天
寶珠而供養佛又手讚曰

周三

五之二

禁戒離諸垢 則立於清淨 勸化甚高尊
定意不可動 智慧無等倫 如海無瞋恨
已度於終始 稽首得自在 神聖之足底
自然立相輪 顯修于慈哀 從本此為先
解脫三徑跡 稽首佛德行 則以慈哀故

增加以平等 以寂然為華 解脫成其實
猶如蜂之王 勸化諸眷屬 安住如蓮華
以頭腦稽首 善建立禁戒 住於安諦地
精進之勢力 超殊無能逮 稽首正品類
甚尊不可動 愍哀為清淨 道場成光曜
智慧離垢穢 威明消闇冥 無數百衆生
咸共歸稽首 則為無極覺 頭面禮大聖
其脫門之跡 音暢於虛空 智慧馳懸遠
光明照十方 衆生華百千 令得解開敷
覺了離垢穢 稽首無所著 察之無等倫
何能有倫匹 求之於十方 導師不可逮
功勳甚衆多 一切德備悉 吾今而咨嗟
其志無飽滿 阿須倫諸龍 帝主所歸禮
無數諸天人 僉共歎其德 其所讚名稱
衆多難思議 舉譽禮世尊 功勳皆流布

化自在天偈讚佛已侍從世尊於時世尊則以無量佛之境界感動變化爲百千天人所共咨嗟詣寶高座時佛世尊適昇高座四域宮殿悉知見之一切三千大千世界諸在四域皆復如是悉知見之於時大聖坐於三千寶護高座師子之牀諸菩薩衆及大弟子亦復次坐於是大聖有三昧名無蓋法門娛樂以此定意正受佛適三昧聖體諸毛一一毛孔各出江河沙等光明威曜盡照東方諸佛世界靡不周至南西北方四隅上下亦復如是盡照諸界徧無遺漏所照十方諸佛國土應時諸土一切地獄勤苦拷掠悉爲休息畜生解脫餓鬼得安時諸衆生諸患消除不爲姪怒愚癡所惑而無瑕穢塵勞之難慈心相向共相瞻視如父如母如兄如弟如子如身

無異如來光明照諸菩薩諸菩薩衆承佛威神光曜之中說此頌曰

精進力無量 廣普無所住 又以精勤力
越度億載劫 十力功流布 普達於十方
釋迦文威光 廣照於一切 其欲求法宜

故往百千土 禮佛聽尊法 而至忍世界

其在兜率天 十方諸菩薩 斯等察此光

佛演安衆生 魔塵異學衆 降此精進力

如蓮華出日 須彌照十方 其身曜無底

暉普於一切 詣彼聽尊法 最勝轉法輪

今日無等倫 頌宣無比經 十力愍衆生

故轉尊法輪 今日衆集會 廣普難可遇

篤信欲見佛 今當詣忍土

爾時光明普告十方諸佛國土說斯頌已動諸佛國安於衆生曜諸法界淨除一切塵勞

之境滅衆幽冥弊魔宮殿與諸菩薩無數眷屬還迴忍土在佛頭上忽然不現于時東方無量功德寶福普辭世界其佛號離垢淨光海華無斷光言王如來佛土有菩薩名首藏華諸法自在彼光所請與十江河沙等諸菩薩衆會眷屬圍繞忽沒彼土須臾之頃至此忍界詣寶高座住世尊前稽首足下繞佛萬匝雨夜光珠衆寶瓔珞供養散佛以頌讚曰十力功勲髮皆達於十方嗟歎無等倫德祚度彼岸我等所詣土欲聽經法故一切聞名稱釋師子之號世尊爲平等離垢光普曜如諸法無本亦無有瞋恨見光曜衆生輒令得解脫爲諸法之王如幻師善學時諸菩薩無央數衆嗟歎佛已各神足力悉

化作座而坐其上南方佛辯世界無量德寶辯如來佛土有菩薩名寶柱與十江河沙等諸菩薩俱眷屬圍繞在於彼土忽然不現須臾之頃至此忍界詣寶高座住於佛前以白珠交露覆蓋佛上稽首足下繞佛萬匝以頌

讚曰

蜀三

八

世尊悉周徧愍雨於衆生開闢光明焰以空無吾我以八平正路消竭塵欲渙寂秘諸樹王長育清白珠則以智慧光化滅陰冥母夢久寐衆生溺沒終始流爲顯示正路消竭恩愛池令逮清淨眼使度如前勝時無數菩薩頌讚佛已各神足化變作其座皆自處上於時西方照曜世界普明如來至眞佛土彼有菩薩名顯音契王與十江河沙

等諸菩薩俱眷屬圍繞在於彼土忽然不現
須臾之頃至此忍界詣寶高座住於佛前兩
瑛真珠供養世尊稽首足下繞佛萬帀以讚
頌曰

其聖體之行 猶如虛空界 所願悉清淨
劫數無有量 其身淨無垢 永無有眾漏
能周於十方 無思議佛土 所講如時雨
雷震梵妙音 悅可群萌類 應如志所慕
其心無所行 亦無有不行 所演暢諸音
出應眾生心

時無數菩薩頌讚佛已各神足化變作其座
皆自處上於時北方眾寶錦界無量德寶光
如來佛土彼有菩薩號曰海覺與十江河沙
等諸菩薩俱眷屬圍繞在於彼土忽然不現
須臾之頃至此忍界詣寶高座住於佛前稽

首足下繞佛萬帀以頌讚曰

體色紫磨金 覺施以寂然 善照於十方
快普現其身 其體無儔匹 眾人若觀察
則滅諸欲塵 欣豫長安隱 最勝諸學子
瞻戴世光明 其志咸欣仰 如須彌頂王
皆諸神足力 若干種變化 不能見最勝
頂上之威相
時無數菩薩頌讚佛已各神足化變作其座
皆自處上於時東南方無憂世界除眾疑冥
如來佛土有菩薩名普曜與十江河沙等諸
菩薩俱眷屬圍繞在於彼土忽然不現須臾
之頃至此忍界詣寶高座住於佛前稽首足
下繞佛萬帀以寶交露供養上佛以頌讚曰
於一毛孔裏 懷無限佛土 眾生不以患
國土不迫迮 最勝救濟行 為諸無眼目

諸佛爲最妙 諸勝之光明 以一之刹土
暢無數佛國 其諸所顯現 刹土不增減
隨如應方便 大稱隨時入 普入一切變
神足所感動

時無數菩薩頌讚佛已各神足化變作其座
皆自處上於時西南方善觀照世界大哀觀
衆生如來佛土有菩薩名思於大哀與十江
河沙等諸菩薩俱眷屬圍繞在於彼土忽然
不現須臾之頃至此忍界詣寶高座住於佛
前雨妙衣服供養於佛稽首足下繞百千帀

以頌讚曰

周三

禁戒甚清淨 人尊如寶珠 長夜自將護
如犛牛愛尾 見於毀禁者 加以以愍哀
不自歎己身 不咎毀他人 住如須彌山
意定不可動 智慧如江海 尊超於神靈

已度一切有 有爲縛刑獄 化億載衆生
療其塵勞病

時無數菩薩頌讚佛已各神足化變作其座
皆自處上於時西北方離暗冥世界光淨王
如來佛土有菩薩名光曜網與十江河沙等
諸菩薩俱眷屬圍繞在於彼土忽然不現須
臾之頃至此忍界詣寶高座住於佛前以寶
瓔珞之具用覆佛上稽首足下繞百千帀以
頌讚曰

身覺了生死 猶如幻師化 示現所感動

如幻無所有 假如幻師化 衆生皆如茲
其界不可得 衆生無自然 如人卧寐夢
覩見若干形 寤則無所見 諸色想無爲
聖說法如寢 有爲從念生 見有所退轉
不退不迴還

時無數菩薩頌讚佛已各神足化變作其座
皆自處上於時東北方住淨離垢世界空城
離垢心如來佛土有菩薩名覺無底離垢與
十江河沙等諸菩薩俱眷屬圍繞在於彼土
忽然不現須臾之頃至此忍界詣寶高座住
於佛前以常鼓音交露覆蓋佛上稽首足下
繞百千帀以頌讚曰

明識深妙法 等解於自然 省察諸空相
一切諸所生 普知一切世 衆生心所趣
其心如虛空 清淨慧無底 群黎之所行
三世諸馳逸 一心一時行 悉知諸所有
無有衆生想 其心諦離念 已除衆妄想
善權普平等

時無數菩薩頌讚佛已各神足化變作其座
皆自處上於時下方照明世界青蓮首如來

佛土有菩薩名曰辯嚴與十江河沙等諸菩
薩俱眷屬圍繞在於彼土忽然不現須臾之
頃至此忍界詣寶高座住於佛前以明珠交
露共覆佛上稽首足下繞百千帀以頌讚曰
如億載佛土 其中所有塵 安住諸子孫
來詣於最勝 各欲自啓問 無數億千劫
則以一文宇 意化於一切 聖慧不可喻
權智無等倫 總持定無量 功德無涯底
洪敷無能限 頌宣無數劫 毛孔所咨嗟
不可盡究竟

時無數菩薩頌讚佛已各神足化變作其座
皆自處上於時上方莊嚴世界名稱如來佛
土有菩薩名諸法變王與十江河沙等諸菩
薩俱眷屬圍繞在於彼土忽然不現須臾之
頃至此忍界詣寶高座住於佛前一切莊嚴

衆寶紫金交露之帳覆蓋佛上稽首足下繞百千帀以頌讚曰

一切安住業 今顯無涯底 於心得自在
導師行亦然 獨諸佛所知 非衆生所行
如空無邊際 群庶本如此 其行無儔匹

今日顯無底 成佛轉法輪 導師滅度如
猶若有所種 法不失果實 十方諸最勝
不可稱限量

時無數菩薩頌讚佛已於虛空中各神足化
變作其座皆自處上

歎會品第二

彼時須臾之間十方菩薩悉會面現其菩薩
衆不可稱限無能計會億百千數莫能稱載
光明所勸集於忍界詣寶高座住世尊前時
佛晏然從定意興其明晃照自然音出其自

然音普告三千大千世界令聞其教于時佛
土信不信者已爲應器比丘比丘尼童男童
女人與非人天龍鬼神犍沓和阿須倫迦留
羅眞陀羅摩睺勒聞佛音詔身心坦然加敬
悚息承佛威神自然而有妙寶官殿悉共趣
之須臾之間至寶高座稽首佛足繞聖三帀
各就牀榻又此光音告勅梵天梵忍天王梵
身天王梵滿天王梵度著天王大梵天王光
曜天少光天無量光天光音天淨嚴天少淨
天無量淨天難還天淨身天用果天無健天
於是天善施天善所施天一善天如瞬之頃
集寶高座稽首足下繞佛七帀不處地上自
處其座於時世尊覩見大衆僉然來會有神
光曜名曰顯現諸菩薩力眉間演出於此光
明繞諸菩薩七帀竟已於諸菩薩頂上而沒

時有菩薩名首藏華諸法自在遇此光曜應
時速得一切莊嚴定意適三昧已其實高座
自然爲佛有師子座高八十億姪百千之尋
妙寶爲足衆珍欄楯妙衣敷上一切諸華以
散其上悅意諸寶以爲嚴飾一切菩薩覩此
緣變斷絕所慕皆令衆會自覩其明可悅一
切衆生現其心意所欲求願尋時皆了無有
猶豫時首藏華諸法自在菩薩復以讚歎施
諸惡趣三昧正受別化如來大師子座庠序
安隱從三昧起恭恪欽敬又其十指以頌讚
佛

其日光明者 但照世俗耳 天帝威神德
營從樂忉利 其梵天尊王 慕戀梵天上
佛之聖威化 變動界若此 觀察法自由
自然如虛空 若幻野馬比 亦如水月中

諸所作所造 悉爲無有主 曉了如誑詐
見衆生清淨 其心慕於色 斯色何所在
其心爲自然 所由皆不實 一切雖清淨
此亦如幻化 其於自然者 虛偽何有處
能分別本淨 執御心鮮潔 其境從容來
彼無有塵欲 周三 思想念諸念 其心已脫此
則見若干種 幻化之所爲 虛空無所有
從地而出生 顯示國土地 若干明珠寶
向者爲法王 建立師子座 當處於此座
開化億衆生 跼立繒幡蓋 大幢諸嚴飾
此無所從來 亦無所越至 若能曉諸法
無所從來者 便能爲衆生 現諸勝變化
大聖梵音聲 所演善哉快 爲世巨庭燎
威神德無極 愍傷吾之故 當昇處高座
講說於經典 斷生老病死 其清淨衆生

十方來會此 各各次第坐 欲聽愍法誼
本所因發舉 願解於此慧 聖在師子座
安詳頒宣法

於是世尊見首藏華諸法自在菩薩志性清
淨即便處於大清淨法師子之座尋時講說

諸菩薩行當所立趣又有經典名無蓋門淨
菩薩道諸佛法力成就寶身聖明屋宅於一
切法而得自在入總持中分別解說剖判入
門大神通慧入於微妙不退轉輪無能迴還
導御一切諸定意乘入於一乘無毀法界說

周三

十五

衆生性根原所趣爲之唱導解發諸法毀壞
諸魔入應眞法去諸塵勞六十二見開化當
入柔順之法令諸愛欲邪見我慢入無礙慧
勸助衆德普無不接頒宣權慧皆入一切佛
平等聖悉無陰蔽無處所門所宣諸法分別

如議入於諸法無念不念無應不應覺了深
妙十二緣起聖慧功勳乃達魔天佛身口意
皆令莊嚴所念志趣智慧明達而不可盡入
于聖諦開化聲聞曉心所歸緣覺之律普得
一切諸慧境界諸菩薩律一切所入於法自
在頒宣如來功勳名稱時佛講說如是比像
無極法典說是語時教化告勅諸菩薩德所
願至誠悉已具足示現如來變化感動解諸
衆會狐疑結網降攝一切諸魔之境光顯如
來訓誨之義備佛大業欲使具足是故世尊
處師子座宣無蓋門於時寶幢菩薩承佛聖
旨用佛莊嚴三昧正受令普衆會致佛莊嚴
建立威神時名聞力菩薩承佛聖旨用紅蓮
華三昧正受建立衆會一切諸華合成法華
以此衆華散於世尊一切菩薩三昧海菩薩

承佛聖旨以衆香定三昧正受使諸毛孔建立演出妙味梅檀四明網菩薩承佛聖旨以光明定三昧正受令一切光建立衆會靡不蒙安五大哀念菩薩承佛聖旨以無瞬定三昧正受建立衆會瞻戴如來目不敢瞬六離垢察無底菩薩承佛聖旨以法悅定三昧正受建立衆會慕樂正法好法志法樂以法樂七辯嚴菩薩承佛聖旨以顯跡定三昧正受建立衆會皆令蠲除五蓋之患八變諸法王菩薩承佛聖旨以無忽忘三昧正受建立衆會志在佛道慕如來行九心勇菩薩承佛聖旨建立衆會使伏諸魔及外怨害靡不從化十降諸魔菩薩承佛聖旨以毀魔場三昧正受適三昧已應時三千大千世界所有衆魔其數百億及諸魔兵速疾速疾各從宮殿忽

開三

十六

然不現詣寶高座住於佛前稽首足下繞於世尊無央數而不可稱計奇異妙物供養大聖恭敬悚息一心叉手勸助天師頒宣經典惟願以時開化說教吾身今日降魔菩薩威神所建故來勸助惟天中天吾當放捨所作魔事不亂衆生今以法故來至於斯由是大聖當察吾身志操所趣於時世尊察魔心念讚曰善哉善哉諸仁者等汝黨乃能放捨魔事勸助如來今說經法緣是之故汝等之身因此獲報皆當越度一切魔業所以者何猶百千歲屋室闇冥一燈入中尋即消昧如是諸仁於百千劫興發塵勞闇冥之欲一善本心力之所變消滅衆患令無有餘譬如諸仁一日之宮一月之殿一大寶珠一一各出光明之曜消除衆冥如是諸仁一心善本觀其

修行而念應順皆除一切無明眾冥六十二見九十六逕眾患之難以是之故今日諸仁觀見如來加復勸助因此德本稍漸蠲除一切無慧愚癡之冥當獲無極道法之門

大哀經卷第一

音釋

健沓和 梵語也亦名乳闍婆此云闍羽委
 也又半 洪他典切 牖木與久切 穿壁切 以闍
 欄落干切 勾欄切 燎力照切 束竹也 堊烏各
 楯食尹切 闍機也 燎葦以爲燭也 堊浩切
 壁曰堊 亥古哀切 拷作 掠拷也 浩浩切
 灼切 寐寐彌二切 寤寤五故切 寐目閉神
 莫鳳切 跼丈里切 寐寐也 寐寐也

大哀經卷第二

周四

西晉三藏竺法護譯

無蓋法門品第三

於是法教王菩薩在於彼會而白佛言唯然世尊如來境界不可思議示現建立大聖威

光令諸菩薩永無狐疑各令修行惟當宣說

無蓋之門大會法品所以者何其大會者今

悉集此皆爲菩薩一被大德鎧不可思議二

以大神通聖慧娛樂三皆有功勳通於十方

四所修清白心離垢穢五以明解脫多所照

曜六皆爲諸佛所見咨嗟宣揚功勳七於一

切法得尊自在八諸度無極越終始岸九一

切皆從權方便生十而悉消化魔業欲塵十一

降伏一切諸外邪道十二皆能分別方便講說

章句義理十三慧無罣礙智度無極超於彼岸

十四其意自由勇步無難逮聖總持十五建立無

蓋辯才無斷十六曉了衆生根原所趣具足缺

漏備不備者十七察諸衆生從應所解而爲說

法十八所宣經道除衆罪殃而無遺漏十九其音

隨時柔輒和雅如哀鸞鳴猶龍海吼亦如梵

聲二十慈愍衆生而示滅度亦以慈愍令衆得

濟二十一心常懷執無極之慈二十二志性恒念

無蓋之哀二十三所住堅固而不可動言行相

應二十四修立法幢顯示十方二十五其志堅強

猶如金剛不可破壞如鐵圍山二十六善建所

願不失本誓二十七暢入深妙分別玄奧十二

緣起二十八蠲除兩際斷滅常見一切諸見六

十二疑所習連著二十九亦如大衆群庶法王

誘進牽致使入於道三十衆庶大導持致無難

一三十一從無央數劫好樂法寶合集智慧三十一

爲大醫王療衆人病^{三十}滅除衆生無色塵

勞蓄滯之疾^{四十}此諸菩薩大師子王所撫

育子^{五十一}一切諸行若聽異音聞說如來祕

密之誼亦不恐懼^{六十}而以相好莊嚴其身

三十皆以大哀具足祠祀^{八十}其心勇猛不

懷怯弱^{九十}降伏四魔愛欲境界^{四十}善施橋

梁開悟眠寐^{一十}如是根力覺意禪思解脫

定意正受以善修成所當爲業^{二十}常以愍

懃欲度衆生^{三十}逮得總持攬制一切^{四十}

若利無利歎譽誹謗有譽失名若苦若樂於

世八事而無所著^{五十}其心得入歡欣悅豫

樂愛經典^{六十}頒宣流布道法之寶^{七十}充

滿智慧備悉道空^{八十}其行鮮明猶如蓮華

九十蠲除一切諸有爲法^{五十}其光清淨覆蔽

日月釋梵暉曜^{五十}悉已逮得海印三昧^{十五}

二導御一切諸法之寶^{五十}而於三寶由得

自在無能斷截^{五十}明識解說一切諸界^{十五}

五執持諸佛經典之要^{六十}積累合集無量

功德咨嗟之稱^{七十}造立無限功祚智業^{十五}

八而得親近具足佛慧^{九十}達了當來無央

數劫本末之際^{經本原闕}法教王菩薩白佛

言如是世尊此諸菩薩大士之會功勲若茲

我意大聖心自念言當今世尊爲諸菩薩宣

無蓋門大會法品諸菩薩衆所可由生至未

曾有天中之天諸佛興出多所饒益則能悅

可菩薩大士使得成具當來菩薩德本明誓^三

其初發意菩薩清淨行欲成者令入一乘使

不退轉諸菩薩衆具足佛法至阿惟顏一生

補處令其果報無所遺失若有衆生所識分

明志存決定懷來因緣化使入道其不決定

當今仰入於無極哀其有衆生永在邪見爲說處所使決其網樂三乘者因故佛興而自嚴飾諸天龍神捷沓和人與非人世入阿須倫皆得蒙濟所以者何佛興出世實爲善哉如是比像至未曾有難及希有經典之要現

出於世得共觀知惟願大聖斯等正士發意之頃建立化變此法高座一切聲聞及諸緣覺於百千劫所不能逮吾以是故心自念言難及難及至未曾有此仁之等乃能施設如是色像神足變化誰以見此當復興發聲聞之行緣覺之心所以者何其有初發菩薩心者過諸聲聞緣覺之乘今欲引喻譬如世尊愚癡之子從生騃冥捨夜光大寶珠取水精珠所見顛倒自以爲是衆人所行亦復如是捨於大乘轉求聲聞緣覺之乘若復有人至

性真實發無上正真道意若已發意甫發意者亦當不久具足成就如是法要法教王菩薩說是語時彼衆會中三億百千姪天人皆發無上正真道意
莊嚴法本品第四

爾時世尊觀諸菩薩皆來大會此諸菩薩皆以法故而來集此悉以執持如來妙藏宣暢菩薩諸所行住無蓋法門所由品與修御法典復有光明名無畏辯應時眉間大人之相放斯光曜繞諸菩薩七帀已竟因復繞於總周四教王菩薩身百千帀尋入總教王菩薩之頂適蒙此光承佛威神繞諸菩薩百千帀已其光悉照師子之座其身威儀轉復光曜光明巍巍益甚加倍踰諸菩薩總教王菩薩時見如來無極威變即從座起偏出右肩右膝著

地又手於世尊上虛空之中化成如來莊嚴
寶蓋佛所建立瑠璃爲幢上至焰天瓊異琦
珍以帝青瑠璃寶藏殊妙而以嚴飾垂貫真
珠繒綵旗幡而爲莊校紫金交露周帀繚繞
覆諸菩薩大會之衆其蓋廣長大如三千大
千世界如是比像建立寶蓋奉獻如來兩於
天華威變妓樂而自然鳴尋時以頌而讚世
尊

光明普徧靡不現 目所周悉爲顯義
諸法自然權所由 不可思議越諸德

大聖正士演光明 其口清淨宣辯才
導光繞我百千帀 在吾頂上沒不現
如本意志所懷念 辯才照明特亦然
所知百千勝於前 用蒙人雄導師恩
其身巍巍心清淨 踊躍以時獲如願

乃知正覺慧無量 其大辯才入我身
佛寶難及威無極 其羸劣者不所樂
承佛聖旨今悉見 當復啓問愍衆生
諸菩薩衆行所入 等趣世間而御衆
所生光明所變處 當復諮啓阿惟顏
魔衆無量悉來會 而獨遊步上道乘
及餘志求微妙法 爲是等故問最勝
當善執持此魔場 而常諦受斯佛慧
今適是時世尊說 爲衆生故開法藏
鄙身明智無所及 人中之尊慧無量
能了最勝無限智 今當啓問無極權
世尊聖慧由自在 本於長夜所修學
善遵世尊爲法王 惟爲頒宣導師行
總教王菩薩以頌讚佛已白世尊曰如來境
界不可思議諸菩薩行莫能稱限吾及衆會

聽察如來至真等正覺所說經法未曾厭倦
觀於衆生最勝世尊行乎大哀故問此義何
謂世尊菩薩莊嚴而自校飾以菩薩行而爲
應義何謂菩薩不可思議速法光明離於闇
冥幽昧之事蔽礙之患以大法門而爲清淨
何謂菩薩在衆生尊第一大哀修行慈愍成
就所行不捨衆生何謂菩薩速佛菩薩所行
諸業所遵正法不懷惱法善哉世尊願分別
說諸佛菩薩之所行住等越法門猶如菩薩
降伏魔衆蠲除疑網入如來界遊菩薩境曉
了六之一一切衆生志操心行清淨攝取佛土執持
魔場從如來教而於諸法速得自在無所蔽
礙佛告總教王菩薩善哉善哉正士乃能問
於如來欲善決了諸佛菩薩仁能速得無量
如來所行了了族姓子諦聽善思念之當爲

汝說如諸菩薩行及餘菩薩功勳具足疾遠
一切諸法自在總教王菩薩及諸大衆受教
而聽佛言菩薩有四事莊嚴何謂四一曰戒
莊嚴未曾毀禁二曰定意莊嚴志未曾亂三
曰智慧莊嚴心無蔽礙四曰總持莊嚴所聞
不忘是爲菩薩四事莊嚴於彼何謂以戒莊
嚴族姓子知則用一事以戒莊嚴何謂一常
愍衆生心不懷害矜哀群黎一切有命亦敬
愛之莫不悅可復有二事以戒莊嚴何謂爲
二一曰杜塞惡趣二曰開善趣門復有三事
以戒莊嚴何謂爲三一曰身行清淨而無點
汙二曰口言清淨辭不麤獷三曰其心清淨
未嘗懷亂復有四事以戒莊嚴何謂爲四一
曰如所志願必果無異二曰如所弘誓則得
成就三曰如所慕樂必成無違四曰如所圖

畫則得超至是爲四復有五事以戒莊嚴何謂爲五一曰與禁戒士俱共精修二曰習學智慧未曾懈廢三曰勤志解脫不懷慢恣四曰修度知見品未嘗休懈五曰益加精勤遵於無上無極滅度是爲五復有六事以戒莊

周四

七

嚴何謂爲六一曰無所毀犯亦不懷恨二曰無所缺漏亦不捐棄三曰不有點汙無所損落四曰不爲瑕疵修一清淨行五曰而博聽受不從欲穢六曰若有所聽不戴仰人是爲六復有七事以戒莊嚴何謂七一曰戒品清淨二曰布施清淨三曰忍辱清淨四曰精進清淨五曰禪思清淨六曰智慧清淨七曰善權清淨而無放逸是爲七復有八事以戒莊嚴何謂八一曰所處具足二曰其地究竟三曰所御備悉四曰性戒周密五曰不被燒害

得至成就六曰佛興出世得無所著七曰無蓋普達八曰得從善師所問具足是爲八復有九事以戒莊嚴何謂九一曰而於聖慧無所恐懼二曰有所覩見而不怯弱三曰曉了空慧四曰分別善權五曰習於清涼而無惱熱六曰將護禁戒如蜂採華七曰修治其心令無情欲八曰其心調和不懷羸癯九曰逮得調定中和之地是爲九復有十事以戒莊嚴何謂十一曰莊嚴其身具足諸相二曰其口莊嚴言行相副三曰其心莊嚴而無瑕疵四曰國土莊嚴具足所願五曰開化衆生莊嚴志性清淨六曰所生莊嚴一切衆惡而無所犯七曰菩薩行莊嚴學如來行八曰聖慧莊嚴不懷自大九曰道場莊嚴勸助衆德十曰力無所畏不共法莊嚴立戒爲本未曾捨

禁是爲總教王菩薩十事莊嚴佛告族姓子
何謂菩薩定意莊嚴定有一事何謂一常懷
慈心愍衆生復有二事定意莊嚴何謂二
一曰修行威儀禮節二曰性行質直而無諂
飾復有三事定意莊嚴何謂三一曰無有諛
諂二曰志性清和周四三曰無有虛偽復有四事
定意莊嚴何謂四一曰爲人仁調而不狠戾
二曰不懷毒害見他瑕疵三曰不犯禁忌致
諸患難四曰不從愚戇以趣闇蔽是爲四復
有五事定意莊嚴謂去五蓋何謂五一曰貪
欲二曰瞋恚三曰睡眠四曰調戲五曰狐疑
復有六事定意莊嚴謂六思念何謂六一曰
常念於佛二曰常念經法三曰常念聖衆四
曰常念禁戒五曰常念布施六曰常念諸天
復有七事定意莊嚴謂不捨道心修七覺意

何謂七一曰意念覺意二曰法覺意三曰歡
悅覺意四曰精進覺意五曰信覺意六曰定
覺意七曰護覺意復有八事定意莊嚴謂八
正由路何謂八一曰正見二曰正念三曰正
語四曰正業五曰正命六曰正便七曰正意
八曰正定復有九事定意莊嚴謂菩薩不捨
道心常立大哀亦無所住其心不捨一切衆
生何謂九一曰蠲除愛欲寂滅衆惡不善之
業憺怕悅安此念俱行修第一禪二曰其人
寂除思念所行其內詳叙而爲專一無思無
行憺怕悅安修第二禪三曰永觀歡悅離欲
之行而常安詳其身安適猶如聖賢所說所
觀其意行安修第三禪四曰斷除苦樂究盡
徃古憂感歡悅觀察於斯無苦無樂修第四
禪五曰皆度一切諸色之想究暢盡意性之

如地不復思念若干諸想遊於無量虛空之
慧而爲修行六曰過於一切虛空諸想遊無
量識諸識之慧而爲修行七曰皆越一切諸
識智慧不計有身不用識慧而爲修行八曰
皆超一切不用識慧遊於有想無想之處而
爲修行九曰皆出一切有想無想之處悉入
一切思想所思定意思惟以爲正受以權方
便不於本際而取證也住於本願開化衆生
復有十事定意莊嚴何謂十一曰心無所生
不懷瞋恚二曰具足寂然之行三曰不捨所
願四曰寂在閑居五曰不失德本六曰其心
憺怕七曰身心休息圖度計校八曰廣安諸
法九曰心得自在十曰得賢聖性是爲十事
定意莊嚴佛告族姓子何謂菩薩智慧莊嚴
說有一事智慧莊嚴何謂一於一切法而不

卒暴復有二事智慧莊嚴一曰捨於狐疑二
曰離諸愛處復有三事智慧莊嚴一曰斷除
愚癡二曰燒盡無明壞諸陰界三曰永滅闇
冥幽翳之事復有四事智慧莊嚴一曰曉斷
諸苦二曰了絕諸習三曰明於造證四曰不
住由路復有五事智慧莊嚴一曰戒禁清淨
而無所獲二曰定意清淨精度智慧三曰解
品清淨遊於衆生四曰度知見品而爲清淨
皆於三世無所罣礙五曰法品清淨以用成
行復有六事智慧莊嚴謂淨三場施度無極
淨於已場身如野馬人場清淨周四猶等如夢道
場清淨無望報故戒度無極淨于三場身場
清淨等如影故言場清淨如呼響故心場清
淨等如幻故忍度無極亦淨三場棄捐羸辭
所言清淨除去怨結常喜咨嗟若有段段支

解其身觀察法身清淨無穢進度無極亦淨
三場清淨無厭好遊生死觀之如夢堅強清
淨志如金剛故無應不應清淨行者度想著
故寂度無極清乎三場愚冥清淨退入慧故
棄捐清淨入於諸法無所著故勤心清淨發
神通故智度無極亦淨三場四思清淨化衆
生故總持清淨攝正法故所願清淨嚴佛土
故復有七事智慧莊嚴將護其意一曰於四
意止不起不滅二曰於四意斷身意憺怕三
曰其神足者曉了諸根四曰其五根者降棄
一切諸魔塵勞五曰其五力者明曉諸法自
然之故六曰其覺意者無所不達致未曾有
七曰其由路者無往無來無往來故復有八
事智慧莊嚴謂不失聖慧行權方便一曰寂
然觀慧而爲憺怕二曰觀察見於諸法爲憺

然故三曰慧品曉法品故四曰界品其性本
行等境之故五曰曉於諸入本無欲故六曰
明十二緣曉無我故七曰達於誠信永無瞋
故八曰一切諸法無所破壞如實觀故復有
九事智慧莊嚴一曰知過去事本清淨故二
曰知於當來未然清淨故三曰知於現在究
竟淨故四曰知定了了報應之義無所失故
五曰知於未定導因緣故六曰曉處於邪偽
開化故七曰知佛平等達法身故八曰等於
諸法法無欲故九曰諸聖平等修無爲故復
有十事智慧莊嚴一曰所有如夢爲惑相故
二曰了如所夢思想相故三曰了如野馬分
別相故四曰了如實見因緣相故五曰了如
影見形用事合故六曰了如呼響用雜會故
七曰了於法界無壞相故八曰了於無本不

住相故九曰了於本際無動相故十曰曉於無爲其無爲者自然相故如是族姓子菩薩所行十事智慧莊嚴佛告族姓子何謂菩薩總持莊嚴以有一事而爲莊嚴何謂爲一其意常達未曾忽忘復有二事總持莊嚴一曰懷來道義二曰總攝無違復有三事總持莊嚴一曰曉了諸議二曰分別嚴飾美辭三曰明識所歸隨其方便復有四事總持莊嚴一曰言無所著二曰無剛硬辭三曰所言柔和四曰無刺譏辭復有五事總持莊嚴一曰諸所聞聲惟歸於議二曰曉諸身識惟歸於慧三曰一切經典惟歸經理四曰了諸人響惟歸於法五曰在於方俗歸度世行復有六事總持莊嚴一曰言行相應二曰順從至誠所言清淨三曰不懷自大行無所著四曰無有

諛諂言無所失五曰修於大哀如應說法六曰方便隨器而爲宣說等講俗智復有七事一曰其辯才智適發尋對二曰辯才應機三曰辯才捷疾四曰辯才無礙五曰辯才無滯六曰辯才無缺七曰辯才應議復有八事總持莊嚴一曰曉了諸天所言二曰解識諸龍音聲三曰明察鬼神言響四曰分別捷智和語五曰知阿須倫所說六曰達迦留羅辭七曰暢真陀羅所言八曰明識摩睺勒及諸衆生口之所宣復有九事總持莊嚴一曰不倚無爲二曰諸所修行而不怯弱三曰勇猛說法四曰其智慧聖不爲虛僞五曰曉了所說廣普具足六曰其貢高者順爲說法七曰得平正者爲說質直而開化之八曰見有處者爲現劫燒九曰得境界者隨其學乘而爲頒

宣復有十事總持莊嚴一曰從其志操不爲

衆生宣麤獷辭二曰聞佛說法修習慧明不

復志慕世俗之智三曰言不可盡假一文辭

耳四曰其無所住爲說無處五曰說於諸佛

咨嗟無量六曰棄除惡趣塵勞麤辭七曰說

於滅度不可稱限八曰忍於衆生無礙根本

九曰從佛之教十曰忍於分別超異辯才是

族姓子菩薩十事總持莊嚴於是世尊欲重

宣此義令人重解即說頌曰

諸大聖人有四莊嚴以此應議尊之上乘

戒禁定意及最智慧總持如是明解分別

爲諸衆生所見欽敬其身口意常以清淨

悉斷狐疑諸所句迹其奉戒者以此莊嚴

生天世間功勳流布其所志願輒得成就

常修正行以行爲上其奉淨戒以此莊嚴

其人得近速逮定意智慧解脫聖慧若茲

親近無爲歸此行者戒禁清淨斯爲莊嚴

戒無所犯禁不缺漏不弄戒法性無卒暴

名響暢溢靡不宜持戒清淨者斯爲莊嚴

其戒清淨布施潔鮮忍辱清淨精進亦然

一心清淨智慧無異善權清淨亦無放逸

所住堅固強不可動速明諦地行不懷恨

性不舒緩志常謹勅戒清淨者斯爲莊嚴

其戒茂盛未嘗退轉其心不生衆惱煩熱

秉意興行未曾悔變戒清淨者斯爲莊嚴

不恐不懼未曾強濫其意寂靜無能毀壞

其犯禁者常被繫閉戒清淨者斯爲莊嚴

其心修禁功勳無極志性仁和斯意安調

則爲已身莊嚴相好戒清淨者斯爲莊嚴

如口所言身行若茲莊嚴其口所護莊嚴

不以欲塵嚴飾其心戒清淨者斯爲莊嚴
斯人則爲莊嚴佛土開化衆生使入大道
此明哲者莊嚴生處以是之故不犯衆惡
所謂莊嚴常奉佛道修治最勝於佛道場
莊嚴諸力四無所畏以爲莊嚴聖慧無慢

周四

十四

普加慈愍一切衆生其明智者所見正真
無有諛諂不懷細碎不隨貪欲瞋恚愚癡
志性猛傲無有五蓋修六思念而無放逸
爲七覺意奉道若茲稍漸思惟一切定意
親近所行修于寂然善順隨時不失衆德
住樂靜思所察入亂於道自在爲賢聖種
未曾猶豫不違經典無有狐疑亦無沉吟
除去無明無有愚冥常處至誠明識聖慧
戒清淨者無所逮得智慧最上定意清淨
順從二事解脫清淨不懷慢者聖慧清淨

觀見三世度衆爲惠曉了離欲則法清淨
斯清淨者不懷自大其智慧者此爲莊嚴
智慧行施以爲莊嚴若能清淨於三品場
己身衆生及修道教如夢幻化而無所著
以戒智慧而爲莊嚴又復淨治於三品行

身行口言心念亦然影像幻化亦如呼響
是爲智慧而成莊嚴則能清淨於三品事
無能屈者亦不動搖普觀一切常察法身
智慧精進而自莊嚴亦復清淨於三品事
未曾懈倦志性堅強未嘗懷應亦無不應

周四

十五

所以智慧一心莊嚴亦以三事修行清淨
其所觀察無有闇昧斯明哲者興立五通
善權智慧以莊嚴者亦復清淨於三品事
善受總持了平等議示衆生法亦淨佛土
於四意止志不退轉於四意斷不行二事

身心憺怕 斯爲神足 曉了一切衆生根原
於魔塵欲 永無所有 諸法自在 隨順決了
無所從來 及致來道 是爲威儀 智慧莊嚴
求致湛然 爲寂禪定 所觀察者 行無涯底
曉諸陰衰 修于法品 明識諸界 猶如虛空
分別情入 空無所有 法無吾我 從緣而起
曉了真諦 慧無懷恨 無恐懼慧 因緣隨念
於三世慧 無所罣礙 明了三聚之所歸趣
曉識三寶 則爲一相 其智慧者 以此莊嚴
明曉幻化 爲迷惑相 根從惑相 譬如若夢
等如芭蕉 爲迷惑相 諸法無會 猶如影相
從緣合生 如水中月 亦如呼響 因對而出
其法界者 慧常無壞 明了無本 智無所住
法動無動 本際常然 有爲無爲 此無有二
深要智慧 清淨爲道 是爲莊嚴 諸佛之法

其人未嘗意懷惑亂 懷來遭遇 總持經典
而常解說 義理微妙 而恒遊步 滅度之惠
言不卒暴 亦無麤獷 口所宣傳 無有不可
諸所說音 衆當察議 所仰聖慧 常以了了
識經義理 靡不開達 以歸於法 不計有人
一切諸法 度世爲要 以此總持 而自莊嚴
口所頒宣 常說至誠 口之所言 恒趣平等
有所爲者 常講經典 隨時不虛 無有爲事
斯人興世 說其辯才 速及正慧 常無罣礙
而無所住 隨順無失 善自莊嚴 如好華鬘
周四
聞知天龍 所說言辭 鬼神捷沓 及阿須倫
迦留真陀 及摩睺勒 亦復曉了 衆生所說
此等不來 在於衆會 亦復不往 而就見之
此勇猛者 爲頒宣法 則以智慧 而達知之
其自大者 見懷亂意 覩斯所說 順從應時

自大貢高觀其所說其懷慢者無有瞋恚
爲分別說三乘之教斷諸狐疑令無結網
則得親近佛法正真不依仰人智慧如是
於一切字常曉滅盡所分別曉議無躓礙
咨嗟諸佛無量功德其逮總持以此莊嚴
毀皆塵欲所知無限善權方便隨時開化
曉了一切衆生根本諸佛所知逮分別辯
其以總持而莊嚴者斯人用此稱名普聞
吾住一劫歌歎其行不能究竟斯功德勲
八光明品第五

世尊復告總教王菩薩菩薩有八光明以此
光明不可思議離諸闇昧修清淨行何謂爲
八一曰念光明二曰志光明三曰遊光明四
曰法光明五曰慧光明六曰至誠光明七曰
神通光明八曰奉行光明是爲菩薩八大光

明於彼何謂念光明有八事爲念光明何謂
八往古所造衆德之本未曾忘失所未立德
日日積功如所聞法未曾忘失逮知誼理分
別所趣不從六界成就念門斷諸非法具足
善德觀有彊心諸佛世尊所爲建立護持法
城志懷于原建一切法德諸光明是爲菩薩
八事念光明所志光明復有八事何謂八志
解誼理不懷嚴飾志在聖慧不懷識著志在
於法不懷塵欲志在精進不懷諍訟志在佛
道不懷聲聞緣覺志在微妙不懷小乘志在
於佛不懷魔事志在大慈大悲未曾懷害加
於衆生是爲八事所志光明遊光明復有八
事何謂爲八所可遊行常頒宣法遊知衆生
志操所念所遊之處分別辯慧所遊之處常
解深妙十二緣起所遊之處有所宣暢亘無

不通所遊之處曉了清淨前後增損所遊之處普備一切諸佛之法是爲八法光明復有八事何謂八其明照世而爲解說入於善本又爲衆生演度世法爲暢聖慧詔使令除諸罪之法無漏法光善宣道教不住無明及於衆漏見於生死罪福所趣覩已塵欲光明不墮滅盡而取證也其光明法善察所趣客塵之原無爲法光心本清淨自然鮮潔諸法寂是爲八事慧光明復有八事何謂爲八一曰八等光諸道二曰諸道跡光慧三曰往來光照四曰放不還明五曰演無著曜六曰緣覺威耀七曰菩薩慧明八曰如來至真正覺光明是爲八至誠光明復有八事何謂爲八其墮滅盡以至誠行照曜於彼其行誠諦第一道跡慧光照彼其行誠諦致第二果則以

照彼其行誠諦得第三果亦復照彼其行誠諦得第四果亦復照彼其行誠諦得緣覺果亦復照彼其行誠諦得菩薩忍亦復照彼其行誠諦成佛正覺亦復照彼是爲八神通光明復有八事何謂爲八所謂光明靡所不曜其天眼者覩諸色像求寂諸響則以天耳普聞諸音所念光明識念無央數劫往古行事本淨光明察覩一切衆生心行如虛空無礙光明又其神足遊步無限諸佛國土慧光明者成無漏聖積德光明開化衆生使修菩薩慧業光明決斷一切衆生疑結是爲八事奉行光明復有八事所謂奉行一曰遵修聖慧二曰志智慧明三曰行正見明四曰奉觀察光五曰照衆生性曜六曰修其脫心七曰無瞋恚心八曰遵修其明令求究竟是爲八佛

時頌曰

以往古淨業	心初不忽忘	意習無所習
善勸無懈廢	所聞未曾忘	速得解法誼
寂然界憺怕	志強棄非法	曉了於念門
選擇所造業	懷勇者觀之	建立勝自在
守護于法城	等一衆生法	智者離諸冥
利益於群萌	逮得光明曜	無疑決猶豫
志強慧自在	速成至佛道	志在於誼理
不逸存嚴飾	慧士不著想	不倚於文識
其志於法者	善調欲離癡	有志淨善權
不諍安住道	意常存於道	不念聲緣覺
常懷微妙業	不念於小乘	思惟於佛道
不從諸魔教	常懷于大哀	不矯於衆生
假使所頒宣	所遊無狐疑	隨時化衆生
所在群萌行	所遊分別辯	彼慧無罣礙

明於因緣法	無有緣起事	曉了方便慧
安住所步頂	一切能普入	諸佛所興法
世間法光明	悉知人民業	及度世聖慧
雄爲智慧光	所生無罪疊	大慧修本淨
善遵於道路	常宣無罪業	於漏無有漏
法光明照曜	斷一切諸漏	利潤於衆生
於有數無數	法常遊於慧	是無垢離冥
遊入滅盡行	塵勞諸諍訟	其慧無蔽礙
明識衆塵欲	其心本清淨	其智得滅度
曉不起寂然	如是類無限	大乘光明業
彼於八等慧	遊達于道跡	亦曉了往來
分別於不逮	無著及緣覺	菩薩世吼護
慧皆能達此	所遊解聖賢	至誠明無量
勇猛善修行	其逮得果證	無恙誼第一
其行至誠者	入寂第一果	第二三四

大哀經卷第三

周五

西晉三藏竺法護譯

大哀品第六

佛復告總教王菩薩菩薩有十六事常以大哀加於衆生何謂十六於是菩薩除見貪身衆生處在若干邪見則爲斷去迷惑疑業爲說經法是爲菩薩興發大哀愍於衆生衆生處在虛僞顛倒非常想常苦想爲樂無身想身空有淨想當爲蠲除此顛倒行菩薩於彼興發大哀爲說經典衆生處在計有吾我一

切無形而想有形當爲除去吾我之事菩薩于彼興發大哀頌宣經道於此衆生處在五蓋而自覆蔽墮在欲瘡多所危害睡眠無明虛僞狐疑因緣所覆不了深法吾當爲彼除諸陰蓋菩薩于彼興發大哀爲說經法衆生

處在六情罣礙眼見色而想著爲文飾耳聲鼻香舌味身更意法而懷想著倚受文飾當爲此等滅除六情菩薩于彼興發大哀爲說經道衆生處在貢高自大憍慢求敬是我自由咄吾志耶懷害虛僞餘人卑賤我爲尊貴自說我所行正於尊復尊經道又勝加復教乃強綺於容色自計有識而自放恣求無所獲自謂成就不賢嫉賢不聖嫉聖處於邪見想住正道吾當爲此說除憍慢貢高自大菩薩于彼興發大哀爲說經道衆生處在迷惑邪徑離於聖路當爲除邪顯示聖道菩薩于彼興發大哀爲說經道衆生處在虛僞恩愛之著貪於妻息男女家居產業夙夜汲汲無有懈廢當爲除此令脫恩愛菩薩于彼興發大哀爲說經道衆生處在各共諍訟恚恨不

和懷結瞋怒多所訟理當爲除此聞諍瞋恚
菩薩于彼興發大哀爲說經道衆生處在惡
友所攝離於善友興造惡業當爲除此諸惡
知識使從善友菩薩于彼興發大哀爲說經
道衆生處於慳惜貪餐不知懈倦離於聖慧

當爲除此慳惜貪餐興隆聖慧菩薩于彼興
發大哀爲說經道衆生處在非誼之業存有
常計斷滅之見當令入於深奧緣起之業菩
薩于彼興發大哀爲說經道衆生處在無明
愚冥倚著我人壽命當爲除去一切邪見令

周五

二五二

逮賢聖清淨之眼菩薩于彼興發大哀爲說
經道衆生處在娛樂生死誤受五陰五體之
賊當爲除去一切三界之所倚著菩薩于彼
興發大哀爲說經道衆生處於魔見繫縛處
於思想計是我所應與不應當令解脫魔網

繫縛依倚所著菩薩于彼興發大哀爲說經
道衆生處在塞無爲門開惡趣戶故當爲闡
泥洹之門菩薩于彼興發大哀爲說經道佛
言總教王菩薩是爲十六事菩薩大士興發
大哀愍加衆生也

開化品第七

爾時佛告總教王菩薩復有二十二事所修
善業除不順教罪惡之業何謂三十二衆生
在於自大睡寐立見己身則以智慧而化導
之使入道義是爲菩薩第一之業志樂於小

周五

三

卑劣之乘計吾我人則開化之入於微妙無
極大乘衆生若處非法邪見計有身者則開
化之以已所樂正法之義勸助誘之觀於衆
生戒不清淨身業鮮潔本性和調則以此業
開化衆生見諸衆生墮于邪見六十二疑則

以正見賢聖之業化導群黎而建立之見於衆生存在無明所念顛倒則開化之顯示道明思惟柔順亦復自立於清和義見於衆生遠離法行身自修法亦開化人住於正法而復隨時爲演經義見於衆生慳慳所蓋身心不貪一切所有皆能惠施亦能化人惠諸所有見諸衆生犯於諸惡住不謹慎身奉淨戒亦化於人立於淨業見於衆生多所諍訟瞋恚茂盛身修忍辱行慈心力亦復化人奉于慈愍見於衆生處在懈怠多所廢落身不厭倦勤行精進亦復化人夙夜勤力見於衆生其心憤亂而志放逸身自攝意一心禪思令不馳逸其意安詳亦開化人立於庠序見於衆生處於邪黠憍慢自大身修智慧離于愚冥則以大智而開化之令除闇昧衆生處於

非時之行身則自壞善權方便修平等行亦化於人權謀隨時奉平等業衆生處於塵欲所危思想多不淨行應在不應身已永除恩愛之原亦以化人除諸瑕穢見於衆生而處貪身來致刑獄繫縛之患身除貪已衆結之難亦化衆人捨於貪身一切顛倒見於衆生不調無寂不順律教亦未得解身寂調定解隨律教亦化衆人調定順律見於衆生不奉孝順而無反復壞諸德本身承孝道亦修恩義將護善原勸立衆人使修孝事常念反復

周五

四

衆德本亦復化人令勤修行立諸善原衆人處於貧匱之行離賢聖財身修無窮遵於七財信戒慚愧聞施智慧亦勸立人賢聖七業衆生處於常遭疹疾攝載四蛇身修無患安隱無欲亦化衆人使除諸病永令無難衆生處於若干闇冥離慧光明身修明曜化立衆人無極大光衆生處於三界罣礙生死五趣輪轉無際身自斷除三界之著而化衆人隨時拔去三界之結衆人處於左道之業離於右路身修正道亦立衆人住于右路衆生處於貪身壽命不覩患難身不惜命見患所由亦化衆人不倚身命察知衆難衆生處於離佛法衆身自修德不斷三寶化立衆人隨三寶教見於衆生捨于正法身護經典亦化衆人將護大典宣傳佛教立于正法見於衆生

住遠世尊六思念教身隨六念亦化衆人奉六思念見於衆生從於塵勞罪福之業身離罪塵亦化衆人使捨殃穢見於衆生而從一切不善之法普離衆善身修善法捨於非法亦化衆人住於正真柔順之法是族姓子菩薩所行平等之業當可所立能順如此則奉正真無上大業

道慧品第八

佛告總教王菩薩言又族姓子菩薩之業不可稱載所以者何計如衆生貪欲諍門菩薩修業積功累德合集衆行至初法門正使族姓子江河沙等諸佛世界滿中衆生皆令成立聲聞緣覺悉令此等一切衆生所立善業不如發意菩薩功勳百倍千倍萬倍億倍巨億萬倍不任爲喻所以者何自斷本性所習

塵欲聲聞緣覺住於緣合菩薩大士蠲除一切衆生塵勞所住緣合故族姓子一切衆生所可造業聲聞緣覺所立德本比菩薩業菩薩最上爲尊爲最無有儔匹所以者何凡夫愚人習從顛倒不順之業聲聞緣覺亦隨緣習菩薩業者無有顛倒功勳無量以是之故菩薩大士過於衆生越於聲聞緣覺之上於時總教王菩薩聞佛所說歡喜踊躍善心生焉勸助讚善世尊所演至未曾有難及難及如來乃宣菩薩莊嚴菩薩光明菩薩大哀菩薩化業惟願世尊如來至真垂恩廣覆重復解說何因諸佛而於衆生興立大哀大哀何所比像其事云何以此之瑞應云何住在何所諸佛世尊造業云何善哉世尊如來皆知亦能普見於諸所造業而觀悉達惟爲我等

而分別說佛告總教王菩薩諦聽善思如來當說如來大哀如來造業所可頒宣族姓子知諸佛世尊不興大哀亦不奉行也所以者何諸佛世尊常加大哀不捨衆生從無數劫積累已成猶是之故不行退轉不捨衆生是則名曰如來大哀其哀無量不可稱計難不可當無可容處從始至終無能稱載所以者何如來得道常懷大哀愍於衆生如其佛道大哀亦如是何謂如來得至佛道如來得道無本無住乃致大道於彼何謂而住於本已計身本立在不誠思想之原以是之故如來隨時合成於道名曰無本亦無所住以是如來成最正覺因此達知一切衆生無住無本解其所處當爲宣傳如此之義令其曉了以故如來於諸衆生常懷大哀又族姓子道者

寂然亦復憺怕何謂寂然云何憺怕於內寂然於外憺怕所以者何其眼者空察無吾我亦無所受耳鼻口身心亦復空耳亦無吾我亦無所受是爲眼空識別除此不爲色逸是謂寂然耳鼻口身意亦復空耳識別除此不爲諸法所見驅使是謂憺怕衆生之類不能曉了此寂憺怕能明識斯以故如來於諸衆生而懷大哀又族姓子道者本淨亦復顯曜所謂淨者心本清淨何謂言曰其本清淨亦復顯曜所謂淨者無所著故亦無所犯等如虛空空本淨故與空合同等如虛空故曰空等聚究竟本淨又極顯曜以故名曰本淨顯曜愚癡凡夫不覺其實反爲客塵而見染汙吾當解彼本淨顯曜是故如來於諸衆生而懷大哀又族姓子道無精進亦無不精進何

謂無精進亦無不精進攝一切法是則名曰爲無精進已能受習一切法者如來于彼亦無精進亦無不進則度諸瀆又如來者於諸流彼不見此跡彼岸以故名曰離此彼中如來至真皆解諸法故成正覺由是名曰爲如來也是無精進亦無不精進愚癡凡夫亦不能曉了吾當頌宣令解其意是故如來於諸衆生而懷大哀又族姓子道者無想亦無因緣何謂無想亦無因緣其眼於識而無所得其無想者不見諸色則無因緣耳鼻口身意亦復如是亦無所得亦無思想不見諸法則無因緣是無想無緣爲賢聖行何謂聖行其於三界而無所行是賢聖行其此無行爲賢聖行愚癡凡夫不能曉了此賢聖行吾當開悟使分別此是故如來於諸衆生而懷大哀又

族姓子道者無往無來現在等於三世斷於三場何謂三場其心不退遊於過去亦不馳騁於當來慧亦不退念於現在事於心意識而無所住不想過去不念當來不戲現在等於此三則淨三場愚癡凡夫不能曉了此賢

周五

聖行吾當開悟使分別此是故如來於諸衆生而懷大哀又族姓子道者無身亦復無數亦無眼識亦無耳鼻口身意諸所識者無爲無數所謂無爲不起不壞亦無處所是則名曰離於三相是以無爲如其無爲解了有爲亦復俱然所以者何一切所有皆爲自然悉無所有其無所有彼則無二以故無身亦復無爲愚癡凡夫不能曉了吾當開悟使分別此是故如來於諸衆生而懷大哀又族姓子道者無所壞跡何謂爲跡何謂無壞無本爲

跡其無所住曰無所壞界則爲跡無我無壞本際爲跡無動無壞空則爲跡無獲無壞無想爲跡無念無壞無願爲跡無處無壞泥洹爲跡無毀無壞是無壞跡愚癡凡夫不能曉了吾當開悟使分別此是故如來於諸衆生

周五

九

而懷大哀又族姓子道不從身而成正覺亦不從心所以者何身者愚駿如草木牆壁瓦石影譬心者如幻其以身心覺了如此是名曰道假有言辭而言興盛又其道者無有言辭亦無身心法與非法無道不道無誠無欺所以者何道者無言於一切法而無有道何所是處其於言辭而無所說猶如虛空無有處所亦無所住無有言辭道亦如茲則無所住亦無文辭如是其於諸法審實求道則無文辭法亦無言若能曉了諸法無言是爲諸

法之所生也愚戇凡夫未能曉了吾當開悟使分別此是故如來於諸衆生而懷大哀又族姓子道者無取亦無所依何謂無取而無所依斷於眼識而不受色亦無所得不依耳鼻口身意斷無識者亦無所受亦無所得諸法無獲是謂無依如來以此無受無依懷來於道致最正覺眼於受色不以爲依識不退從耳聲鼻香口味身更意法亦無所依識不退從已不住識則能分別此一切衆生心之所處何謂衆生心之所處衆生心處則有四事何謂爲四一曰色心之處二曰痛癢三曰思想四曰生死之處所彼於處所而無所住如來明此於無住際愚戇凡夫不能曉了吾當開悟使分別此是故如來於諸衆生而懷大哀又族姓子道者則空謂空者道則爲空

所以空者諸法皆空如來於彼達無本空解一切法而致正覺空亦復空故成正覺以此一慧分別空事彼則無二其無二者空與道慧則無有二已無有二法則無二已無有二則無有名無相無底無行無所流布所謂言所依受者是爲歸趣非真諦義何所有法而逮色者空者自空猶如虛空所言虛空虛空無言故曰空空無言亦空諸法處所爲若此也至於無名不言有名如是無慢無言處所亦無所處已無慢說無處所已名亦若茲

周五

十

族姓子道等如空其虛空者無等無邪道亦如茲無等無邪計於諸等無成道者彼無有等亦無有邪如來以此無等無邪解一切法而悉無本成最正覺又於諸法而不受正亦不受邪如其法數慧數亦如承佛聖旨何謂佛聖法有所受者故曰爲有是則歸趣無所受者斯無有主則有無主以是自然而得逮成離於自然後無遊行亦無有進亦復無退是謂進行有所除斷如來說法斷如是行愚戇凡夫不能曉了吾當開悟使分別此是故如來於諸衆生而懷大哀又族姓子道如真跡何謂真跡計如道者色復亦如無本不退又知道者痛想行識亦復無二而不退轉又如道者地水火風其種亦如而不退轉又如道者眼種色種及眼識種耳鼻口身意法識

種亦復無本而不退轉諸法所絕使了陰種諸入如來于彼覺了真諦而成正覺所曉了者不從顛倒又如去本中後亦如其無本者而不退轉其本種者則無所生其他種者亦復無爲中種憺怕是則名曰如真諦跡又如一事一切亦如如一切事一事亦如如一事者衆多亦然而不可得是爲真諦愚戇凡夫不能曉了吾當開悟使分別此是故如來於諸衆生而懷大哀又族姓子道者入室則入無室何謂爲室何謂無室修行一切諸德善法是曰爲室於一切法而無所獲是曰無室所以無室心無所住無有處所故曰無室無相三昧至解脫門故曰無室觀察想念稱量計校越度稱量故曰有室其無識業是曰無室觀察有爲故曰有室觀察無爲此則無室

察於無爲觀察無室得入無室則爲道矣愚
戇凡夫不能曉了吾當開悟使分別此是故
如來於諸衆生而懷大哀又族姓子道無諸
漏亦無所受何謂無漏何謂無受離於四漏
名曰無漏一曰欲漏二曰有漏三曰癡漏四

曰見漏離此四漏所謂無受離四事受一曰
受欲二曰受有三曰受見四曰倚戒離此四
受彼此四受悉歸無明恩愛所纏依倚於內
從內發起如來至真除于內受所生根本於
內清淨歸趣一切衆生清淨其內淨者彼無
想念已無想念除於顛倒惟念柔順不住無
明已不住無明則不復住十二有數已能不
住十二有數則無所生其無所生彼則寂然
其寂然者彼則無義其無義者乃第一義其
第一義乃爲究盡其究盡者彼無人義其無

人義無所獲義其無獲義則如來道是十二
緣已了十二則曰法義其法義者是則名曰
觀見緣起其觀緣起則見於法其見法者則
見如來如是觀者則無有本性極本末所有
見乎何曰所有於諸所想不與因緣此謂於
想而無因緣如是察者乃爲正覺如來所解
如是像法普行平等其所等者亦無偏邪如
是平等無有諸漏亦無所受愚戇凡夫不能
曉了吾當開悟使分別此是故如來於諸衆
生而懷大哀又族姓子道者清淨無垢無染
何謂清淨無垢無染空則清淨無相離垢無
願無染無生清淨無汗離垢無起無染本性
清淨解脫無染無放逸則清淨亦無輕戲爲
離垢寂調則無染無本爲淨法界顯曜本際
無染虛空清淨虛無無垢恍惚不染除內爲

淨於外無逸則曰無垢無內外行則曰無垢
不習諸入則曰無染慧盡過去淨了淨於當
來不起無垢分別現在住於法界則無所染
是謂清淨無垢無染而平等御於一法矣至
寂然迹其寂然者則爲憺怕寂然憺怕是謂

周五

十三

仁和是族姓子猶如虛空道亦如之如其道
者法亦如之如一切法衆生亦如又如衆生
國土亦如如其國土泥洹亦如如泥洹等見
於諸法究盡寂然此已辯矣於諸部黨而無
部黨是爲清淨無垢無染如來于彼於諸色
像了一切法而無色像成等正覺觀於一切
衆生之界無淨無垢於此諸數是則名曰寤
寐衆生而懷大哀如來則以善權方便感致
梵天不以無請而轉法輪於彼應時六萬八
千梵天之衆自於天宮忽然不現在波羅奈

鹿苑之中住世尊前稽首足下勸請世尊令
轉法輪惟願大聖頒宣經道若說法者多所
救濟梵天爾時歎此頌曰

正使諸法寂然憺怕清淨鮮潔無垢無染
既不可獲無音無作則以道慧最勝悉了
於無數劫造立愍哀勤行難量精修長久
欲得開化衆生迷惑睡眠來久大愚所蔽
衆生多有曉了積德本以曾修故詣最勝
必當識別殊異尊法惟願如來時轉法輪
已得攝伏魔所處場尋時開化於甘露門
爲衆廣演賢聖句迹惟願導師顯示道徑
假使正覺矜哀無盡垂愍衆人轉無思議
我身今日勸請至尊惟聞最上道法之輪
設使大聖懷于恩慈猶拘那鉢佛講說教
亦如迦葉轉其法輪惟願世尊頒宣經道

譬如天雨多所潤澤生於藥草及茂五穀以大哀雲普周世間如來爲雨正法之水從始生時口宣妙言聖自發生當度衆生群衆悉集渴仰飢虛惟以法味除其消渴佛言如是族姓子其梵天王勸請如來慇懃

周五

十四

若茲又佛正覺不捨大哀在波羅柰仙人所止苑園之中尋時即轉無上法輪沙門梵志諸天魔神梵天王世人所不能制所講經道出非常音告於三千大千世界比丘拘輪第一解法於時世尊宣于讚頌

深妙不可獲 第一無所作 拘輪解本際不懷於結恨

如來說此法輪之經不可稱計無央數人衆生之類受教隨律見於如來興闡大哀無量無限難不可計會群衆之黨皆發無上正真

道意是族姓子諸佛世尊以十六事愍念衆生而懷大哀常以慈愍未曾忽忘彼亦無業不懷恐怖如來所修無極之哀不可稱載爲一一人而造立行江河沙劫忍在地獄初不退還以是方便使諸衆生隨律受教賢聖之

法以此比像如來至真爲諸衆生各各一一受形命者爲一一人各各恒河沙劫忍於地獄勤苦之患欲使衆人隨律受教入賢聖法如來不以懈倦而厭不違大哀族姓子知諸佛世尊愍哀衆生巍巍如是常懷大哀又族

周五

十五

姓子諸弟子衆聲聞種類志懷恐懼其所愍哀畏怖如魚慈猶肌膚菩薩之慈猶如骨髓諸佛世尊懷無極哀常當勸助求於佛慧化聲聞哀令入道心奉菩薩哀諸佛世尊決於道慧故懷大哀聲聞哀者察於慈心瞻察開

化爲菩薩哀究盡啓導爲佛大哀猷造立行爲聲聞哀精勤轉上爲菩薩哀超越諸行爲佛大哀是族姓子諸佛世尊而於衆生常懷大哀一劫百劫千億萬劫爲一人故住在世間劫數難計不可稱載而於泥洹不永滅度也必當濟之故族姓子當解知此其佛大聖如來至真在於衆生而懷大哀

宣劫世品第九

佛言族姓子乃往過去久遠之世不可計會無能稱載長遠懸曠不可議劫爾乃有佛名旃檀香如來至真等正覺而出于世世界曰香土劫號上香其佛壽命千二百七十三萬六千歲其聲聞衆亦八百六十八萬六千人諸菩薩衆不可稱限其如來至真有一毛孔所演妙香熏周三千大千世界其敷巍巍資

美難量彼佛世界曾無穢氣其土所有牆壁樹木山陵谿谷所有形色以如來香皆被蒙熏香氣芬馥不可爲喻以故世界名曰香土其有人衆生彼佛土皆悉被荷如來聖香使身口意不被殃疊若有出家在其佛所作沙門者聞此妙香皆得四禪其土已更曾與千佛悉同一字號曰旃檀香以故其劫名曰上香旃檀香作佛事竟然後乃當取般涅槃臨滅度時察衆生界何許是人吾應當化令隨律教則道眼見有想無想天而有所化異人宿世曾已植衆德本志在微妙佛應所化在彼天上八萬四千劫在於彼境乃生人間無有欲塵聞大乘德當發無上正真道意志不退轉時旃檀香如來至真以權方便懷抱大哀故示因緣告諸比丘今是吾時當般泥洹

欲取滅度於時其佛興隆大哀有三昧名曰
無猷定意正受現大滅度然後廣布舍利靡
不周接其正法住于八百四十八萬四千歲
斯法開化多所救濟當爾之世無有像法彼
佛世尊以三昧力等以神足建立神聖八萬
四千劫在彼沒形而不自現如是族姓子於
八萬四千劫多所開化其彼天人在有想無
想天竟八萬四千劫壽已還生人間在尊者
家年適八歲是栴檀香如來至真乃從三昧
起在尊者家顯佛身形往詣子前入其家中
餘人不覩八歲童子獨見之耳其童子者曾
志大乘如應說法演家患難咨嗟大道不可
稱載于時童子至心淳和發於無上正真道
意尋時得成不退轉法佛見彼心則授其決
過七萬二千阿僧祇劫當成無上正真之道

爲最正覺名曰寶上如來至真等正覺明行
成爲善逝世間解無上士道法御天人師爲
佛衆祐其餘人者不聞授決獨此童子一身
知耳本應器故時萬二千天子聞所授決淑
淳一心發無上正真道意各自興願寶上如
來成正覺時吾等當生於彼佛土其佛所說
必當如願生于彼土寶上佛所時栴檀香佛
授諸菩薩弟已乃就泥洹而取滅度諸天人
民供養舍利故族姓子諸佛世尊大哀具足
巍巍若斯非聲聞緣覺地所能及又族姓子
諸佛聖教若斷絕時尋復續立諸天中天所
發衆祐其等功德益加熾盛所化轉茂至不
滅度思報功祚終不相違而亡失也如來講
此大哀義時於大會中三分江河沙等衆生
之類皆發無上正真道意滅半江河沙等諸

菩薩衆速柔順法忍江河沙等諸菩薩衆成立大哀逮得總持如佛世尊又其法忍名阿惟顏逮成此忍于時衆會聞說此言歡喜踊躍善心生焉俱共咨嗟世尊之德便雨天華供養世尊樂器自鳴當是之時莫不坦然

處處業品第十

佛告族姓子何謂如來所作事業如來事業有三十二何謂三十二則以佛無上之慧處處如有知非處如有知有限無限有爲無爲靡不通達彼何謂處何謂無處所言非處處救濟身行惡口言惡心念惡欲得可意所欲必獲歡悅之報生於善處未之有也所謂處處如有所望得護身行善口言善心念善欲得可意歡悅安隱恩德之報歸於善處此事必果其慳貪者欲得財富犯於禁戒而作

衆惡望生天人懷毒瞋恚欲求端正懈怠得道其志迷亂眩惑放逸欲入寂滅其懷邪智馳騁不正欲得壞除星礙正處懷來真實此不可果施望大富持戒生人忍辱端正精進得度禪定入寂正慧聖達蠲除星礙所止之處此事必果又復預知其犯逆者心不存定禁戒清淨心常寂然知行顛倒不能逮得柔順法忍知篤信空逮得法忍知狐疑者心不休息知除結網心得止息知於女人不以此身成轉輪王天帝梵天魔王之主在世尊前佛知於女人轉女形已成轉輪王釋梵魔王在世爲佛知轉輪王以正治國慈愍萬民不行邪惡知轉輪王不行枉橫以邪治邦侵怨萬民知鬱單越人終不犯惡墮苦地獄知其此人必生天上快樂之處知殺生者欲得長

壽盜竊不失姪洸化生妄言求辯醉酒不亂
兩舌求和惡口咨嗟綺語求名瞋求好顏諍
訟求安邪見望度此事未果慈仁不殺欲望
長壽清廉不盜欲望不失貞潔不姪忠信不
欺聖慧不醉不闢彼此言和不麤辭質不飾

周五

十九

忍辱不瞋放捨不貪正見不邪必得長壽財
安不失妻息貞良口氣香好辯慧識義眷屬
和穆衆人讚揚聽採其言財寶豐饒莫不瞻
顏世世識道此事悉果豫知八等不得不至
於果證也知得果證得入於時知於道跡不
復往來八返生死又知往還不復三返而周
旋知於往來二返周旋棄於五陰而取滅度
知於不還不復還返歸於此世知所在處而
取滅度知無所著不復牽連而有處所知無
所著無餘終始知賢聖士不捨佛道歸於異

學知賢聖士當歸命佛不信外道又豫觀知
菩薩速得不起法忍終不退轉還就小乘無
所從生法忍菩薩必成其道不復迴還豫知
菩薩坐佛樹下不成正覺終不起也坐於樹
下成於無上正真之道必果不疑豫知如來
道慧廣遠而無罣礙欲求如來慧不通達而
有蔽礙未之有也欲令如來聖慧損耗而不
周普未之有也世尊道慧懸曠周接靡不通
達豫知假使有人欲見佛心未曾有也如來
心者天上天下無能見者知天上天下欲見
佛頂無能堪任觀佛頂者預知如來常定心
未曾忘普見一切衆生所念豫知佛心未曾
罣礙心常一定見於本際豫知世尊從本已
來而無有失所說至誠言滿十方常無口過
豫知欲求世尊使有闕漏諸佛大聖身行清

淨超明月珠日月釋梵虛空清淨無能及者
佛天中之天道慧超殊巍巍無侶不可爲喻
是族姓子如來處處力無限量所說無際所
暢文字真諦無欺佛於是頌曰

地尚可擘裂周五空無動使動二十欲使佛所說

無能令有處周五丈夫尚能化二十令空爲五色

世尊所說處無能令有處佛之所宣暢

上下并中間一切悉至誠莫能令不及

若說非處處上下及中間此事悉真正

終無有變異曉了其處處而爲講經法

是故實無虛悉見心志性異學外道士

所在皆馳逸用不達處處佛正覺無此

其知處非處隨時度衆生諸佛名稱廣

尋爲說其處衆生無應器佛亦觀於彼

隨時而觀察以何能將養是爲第一乘

諸佛殊勝道所住無殃覺則以度衆生
無量不可計說處及非處是爲大仙力
外道無能逮

大哀經卷第三

音釋

餐他結切貪古對切黠胡八切匱求位切

也食日餐疹丑刃切虺五官切瘡餘兩切匱求位切

那鈴梵語亦云拘那含牟尼此語

云本玄黃絹切目洪夷質切壁補革切

周五

十一

大哀經卷第四

周六

西晉三藏竺法護譯

了三世品第十一

佛復告族姓子如來別知當來過去今現在諸所行業所在因緣處所報應云何別知於

周六

是如來悉解過去所可作者諸善報應若不
善事當來所作善不善事報應之方現在所
作亦復如是當來之世兩當所作殃墮功德
當悉分野如來悉知當來所作與眾殊特當
來所作有損耗者當來所作有增益者如來
悉知假使現在所立造業而有增益於當來
世而復損耗如來悉知設於現業如有損耗
復於當來亦復折減如來悉知若於現在有
所增益於當來事亦復增益如來悉知若於
過去修習瑕疵卑賤之業於當來世又習微

妙正士之業如來悉知其所行者因薄少功
報以大德或行大業殊異之德致超異功不
可稱載或以聲聞之故而有施與或緣覺故
或佛道故因其施與如來悉知若於現在所
遭苦痛若遇安隱若現作安或現得苦或現
在作惡尋遭惱患或現作惡未來致樂或現
作善轉獲安報如來悉知一切眾生過去當
來今現在罪福因緣所致報應此皆如審而
無有異罪福之應亦無殊別如來悉知以知
之故則爲如本而爲說法是爲如來第二之
業佛於是頌曰

如來曉因緣 明眼別報應 三世無罣礙
知衆生所行 因當報安樂 福趣天世人
緣其致苦患 安住悉知之 善惡所造業
因獲其果實 安住亦了此 如明珠在掌

或爲少事業 所獲無限量 是廣若薄淺
佛悉知本末 或爲聲聞施 若住緣覺乘
立於最勝業 安住悉知之 所因造苦行
或復成安樂 從樂而獲苦 因復住於業
或從苦惡行 反成住於樂 或有行善行
報以苦惱患 或從苦致苦 從樂而作樂
罪福爲自然 佛悉知報應 三世所展轉
衆生因緣報 佛了以聖慧 不虛無有異
了衆生所品第十二
佛告族姓子如來能於衆生他人異種所好
不同志學各異於脫未了悉知如審云何知
之或時有人住於貪欲志好恚脫或復有人
住於瞋恚因貪欲脫或復有人住於愚癡信
欲恚脫如來悉知或復有人住於善德好不
善脫或復有人住於不善志信善道如來悉

知或復有人專精下劣信微妙脫如來悉知
或復有人專精微妙志好下脫或復有人志
好專精下劣住於殊特超異之義或復住在
殊特專精墮在下劣所可好信求在邪業不
決了界或復信樂在不決定成於正業或有
好樂向正定門而得解脫如來悉知或有信
樂當度欲界或因信樂得度色界或有好信
超于三界或從信喜耗滅緣致殊特或好殊
特致於損耗如來悉知所可生處其色若干
財業各異所受不同所用信樂興致頂相或
得住限如來悉知如其心所知輒爲說法令
斯得解是爲如來第三之業佛於是頌曰
世間志不同 意所好各異 志操不可限
佛悉知無餘 佛知志所趣 或住於信樂
生欲瞋恚貪 或住怒愚癡 或住癡而欲

住於善不善 所住持不持 安住悉知之
因下劣微妙 志性好幽玄 或從殊異業
專精信下脫 或從信下劣 因致上微妙
或從超殊行 便獲下勝智 猶邪不決了
從不了正受 好信度三界 佛知志所樂
所生色若干 其中各異 從頂異發相
因信得解脫 三界諸衆生 佛悉知說法
隨其應得度 是爲十力業
別衆種類品第十三
佛告族姓子如來悉知世間衆類若干種形
不可計身云何知之其身所爲積於罪豐如
來悉知若以其身積累功德如來悉知若以
其身種子穢惡致無擁護不獲濟界如來悉
知又如來者悉知境界眼界色界眼色識界
了其本末根原所起云何知之其內則空於

外亦空內外亦空耳鼻口身意亦復如是意
法識一切諸界了其本末所從出也云何知
之內空外空內外皆空地種水種火種風種
亦復悉空云何知之了如虛空是故知之亦
知欲界色界及無色界云何知之知從想念
而致住此有爲界無爲界知有爲界無行爲
想知無爲界不以非行而造想矣知塵勞界
因從客塵致欲之想知瞋恨界其本清淨鮮
潔爲相知於行界從不順念無明爲相知泥
洹界因從順念顯明爲相世間衆人身所倚
界爲如是也所可住界所催迫因界現儀專
精其界從志性界因界而生由界而生如來
悉知隨其所知而應說法是爲第四之業佛
於是頌曰
其人中師子 皆曉了諸界 於斯世間人

從身之所行	其界所興起	廣普不可限
安住一切智	根原所從出	罪福所從生
諸身所因出	由緣所可歸	及身之所生
由是界所立	因得脫諸種	咸知如是身
最勝爲大聖	眼種亦如是	色種并意種
最勝悉知空	本淨無憂感	耳鼻亦如斯
舌種及身界	其意法諸種	當知悉爲空
地水火風種	此諸界適等	其中師子
等解如虛空	欲界亦如此	色無色界然
別知是諸界	因思想成立	佛知因客相
起欲爲自然	安住解瞋恚	亦復爲本淨
分別覺於此	諸行及無行	又復計泥洹
則無有三想	所因界出相	猶從不解明
一切所因出	如巧師合散	是世身無數
其形爲若干	佛僉曉了知	不自念我知

猶如於虛空 十方無邊際 其中師子
普知諸境界 彼最勝聖慧 極上無涯底
衆人所不及 不能知源際 是爲第四誼
聖人離垢穢 善明識諸界 因開化衆生
以律啓悟意 所作罪福業 不復起瞋恚
其志悉有別

曉衆生根本品第十四

佛告族姓子如來悉能曉了他人衆生諸根
精進云何曉了知於衆生輒劣根者若中間
亦復有人諸根通利若殊特根下劣根所因
其根緣倚思想其根本際而興情欲從瞋恚
際起愚癡原如來皆知諸根想念爲何等類
雜碎之穢起婬怒癡如來至真亦悉知此諸
根想念爲何等類其婬怒癡因緣諸根而有
所爲從不善緣而有此根或從無智而有此

根或從諸念而有此根如來悉知又復如來知眼諸根耳鼻舌身意亦復如是男根女根命根樂根苦根歡根忍根觀根信根進根意根定根慧根無異根所當知根悉知此根其根所由眼根因緣耳根所住鼻舌身諸所根

本有所立處如來悉知因耳之緣而有鼻根之所立處從鼻因緣有立舌根從舌因緣而立身根從身因緣立於眼根如來悉知何所衆生因從施根而致應戒如來悉知此等諸根增減進退各爲分別演布施事或有衆生因從戒根而行布施應戒如來則爲演戒本末或有衆生從忍辱根而應精進如來即爲演忍本末或有衆生從精進根而應忍辱如來則爲演其精進之本末也或有衆生因一心根而應智慧如來則爲分別禪思或有衆

生從智慧根而應一心如來則爲分別解說諸根增減進退之原宣暢智慧根力覺意八由正路三十七品亦復如是具足周審演其本末靡不究暢各爲一切而令判了或有衆生從聲聞根學緣覺乘如來知根演聲聞乘或復有人從緣覺根學聲聞乘佛知此等諸根所趣則爲解說緣覺之乘或有衆生從大乘根學於聲聞緣覺之乘如來悉知此等諸根之所歸趣而爲頒宣大乘之業或有衆生各緣異根而學大乘如來悉知此等諸根各各別異則爲解說無修行根衆生之徒不能修根不應法器如來見此不應器者因令覺觀或人修學根順應器如來觀之懷來應器則以慇懃爲說經道如是族姓子如來悉知一切衆生他人身根及其異身諸根所趣所

念不同誠其本末若不念者曉知諸根從其
比類知諸人根志操所應因緣所爲而可化
者方便從議坐起經行進退之議咸達其根
如來悉暢靡所不通而爲宣經是爲如來第
五之業佛於是頌曰

周六

知根廣無極

了衆生志性

其根爲何類

最勝悉知行

下劣中上妙

諸根佛所知

無等倫如是

從所應解意

其際欲惡塵

其根若薄鈔

若復性卒暴

假使懷麤穢

勝知之何因

曉了其本末

其不善無別

所依當解脫

從眼意男女

亦復曉眼根

苦樂及歡悅

何從致憂惱

所因觀義道

精進意慧定

及知他餘事

意勇復如是

眼因緣耳處

成致鼻耳舌

因身至因緣

得興立眼耳

施根志戒禁

爲說布施事

戒根學布施 爲說戒法義 忍根現精進
爲演忍辱事 精進現忍辱 爲宣精進事
從智根致禪 爲人說智慧 從精進致忍
爲人說勤力 從禪根致慧 爲人說禪思
從慧根致禪 爲人說聖智 其聲聞乘根

而至於緣覺

最勝演聲聞

爲捨緣覺義

若志緣覺行

學習聲聞行

佛便捨聲聞

爲講緣覺事

其根在尊業

斯人學下劣

佛說度無極

分別捨緣覺

見處處有行

勝觀爲分別

降以純熟根

十力爲解說

衆人以何緣

諸根所應行

知其志性趣

報應之所爲

從其盡諸根

如坐成實本

自以智慧明

是世尊分別

普遊品第十五

佛復告族姓子如來皆知普遊一切靡所不

達密如有知云何知之衆生必救於眞諦界
知衆生界或在邪業矣悉復分別此群生界
必定不定處於邪事報應之力彼亦如是其
衆生界必在決定前世宿命報應之果致此
功勲明識精勤諸根通利應當被訓如來則
爲廣說經典此等之類於賢聖脫當爲應器
如來則觀宿本緣迹尋爲如應爲演經道衆
生之界在不決定存因緣力爲教授相宜以
戒度尋爲訓誨如應禁戒不得解脫不致濟
度如來則爲誘入無本因緣報應隨病與藥
若如來所聽聞經典奉順道教便致德果諸
佛世尊由此等故興出世間衆生沒溺永在
邪業未立德本意劣弱顏不爲應器如來至
眞爲講經道其不應器令得解脫如來觀此
不應器者觀察護之以是之故菩薩大士被

弘誓鎧而救濟之又復如來則以三事了貪
欲者世尊或以貪欲人故而興出矣又以貪
欲而見繫縛欲令出家故興出矣或以宿本
貪悋緣故而爲興出又知瞋恚復有三事或
以瞋恚而見繫縛思想之故故興出世或有

所願不具足故故興出世或有宿世陰蓋所
纏故興出世知其愚顛當有三事或有愚顛
行無明事或有貪見身故或有沉吟之故如
來悉知之如來知則以苦行了本神通諸根
明者因從苦行加痛而致神通更劣根者以
安隱行速成神通根通利者以勤苦行成神
通定更劣根者亦因加痛而致神通以捨因
緣行於調和了別神通不信於道而不休息
當本加救令成神通佛悉知之心性不和其
行縱暴知疾可化令致神通使無暗冥而歡

喜悅或有行者因集道力使具足成如來所知不復勤學或有所行從修道力而具足成不因集力或有所行不因集力不行道力而具足成或有所行從合集力亦行道力而具足成如來悉知或有所行志性和雅其行不應如來悉知或有所行應機成就性不和雅或有所行性不和雅所行不成或有所行志性和雅所應成就如來悉知或有所行其身清淨心口不淨或有所行口言清淨身心不淨或有所行身口心淨或有所行其身口心俱不清淨如來悉知如是之類所可行者因緣報應所可依倚所從出生一切衆生之所行者如來悉知慧無損耗普達悉見是爲如來第六之業佛於是頌曰

其有因行者 如來悉知之 決定之種類

識別衆生界	其不決定者	所行動虛僞
不應器如是	隨邪見之業	其貪欲行者
則有三因緣	瞋恚行復三	愚癡亦如是
斯塵欲之界	無量雜種類	世尊悉知之
所行因緣應	所行勤苦事	謂意聰達者
其軟劣之根	亦復當如是	諸根通利者
因行安隱來	世吼悉說知	如是等無異
而行調和者	而住寂清淨	則以因此故
速得致清淨	亦疾成其行	究竟道調和
亦復加疾駛	寂然尋歡悅	合集諸所行
積累其功德	或不以行道	而達於道慧
或有從行道	而獲於成就	俱知其二事
從殊特行成	或有修行者	志性而調和
或有應行者	而不順應行	有大人之行
兩事俱清淨	佛普見一切	無所不曉了

或有人作行 其身修清淨 其所言心念
而不能清淨 或復有修已 身口行清淨
其心之所爲 未曾行清淨 或有在世間
身口心清淨 衆生之所行 佛皆見普達
或有能成就 或不能究竟 是爲安住佛

第六所了業

一心定意品第十六

佛復告族姓子如來至真知其一心脫門定
意正受之業塵勞瞋恚之所從發審如有知
云何知之衆生塵欲之所繫縛所因報應而
致此緣當復何緣而致清淨如來悉知何謂
緣報何謂事業從不順念而致緣報從無明
事衆生之類而致欲塵從無明事而致行矣
從行致識從識致名色從名色致六入從六
入致所更從所更致痛從痛致愛從愛致受

從受致有從有致生從生致老病死從老病
死致塵欲爲報應因致事業因見致愛從結
愛處是爲緣報是爲事業業緣致愛欲塵勞
之縛彼復何謂緣報云何事業令其衆生致
於清淨有二報應及十二事衆生因此而致
清淨何謂爲二一曰因從他人聞柔順義二
曰內自己身如應念法復有二事而致清淨
一曰而一其心專志學問心不憤亂二曰曉
了方便寂然之義觀察其原復有二事而致
清淨一曰知無所來發動所起二曰知無有
來亦無所至復有二事而致清淨一曰觀無
所生本無處所二曰致於滅度坦然寂靜復
有二事而致清淨一曰其行成就無有不辦
二曰明慧之事造其正證復有二事而致清
淨一曰志修道法順入脫門二曰其本清淨

至度知見復有二事而致清淨一曰至滅盡
慧而無所著二曰無所生慧常無所倚復有
二事而致清淨一曰則以至誠而致道德二
曰常以審實獲於成就是二報應及二業清
淨衆生如來悉知又塵勞結方便無量清淨
方便亦復無限又其塵勞而致清淨便近成
就因審觀故又淨方便隨塵勞行而漸近法
攝其慢者如來聖慧悉達知此拔其因緣此
族姓子如來之慧寂然於欲憺怕諸惡不善
之法興行俱念忽靜安隱行第一禪以能一
心住寂滅界靜然正受從第一禪起修八解
門返覆逆順而修正受所見皆知三昧正受
顯示平等又現定意如來三昧無所畏難無
能壞者如來三昧無有因緣不從方便如來
常定一心不忘於諸三昧最爲上尊常住一

定普見一切三昧正受其心不退未嘗增減
其所顯現無有不定如來三昧初無所生無
能觀察聲聞緣覺所不能及過諸菩薩及正
真覺如來三昧無能越者卓然殊絕巍巍無
量一切衆生所不能知如來之慧坦然無際
無窮無極無可爲喻以權方便開化聲聞令
得定意如來悉知了諸緣覺菩薩行事隨其
應時而教誨之是爲如來第七之業佛於是
頌曰

衆生因緣事 其塵勞愛欲 自在悉知之
其慧無涯底 如其行清淨 及復不清淨
佛大慧自在 悉能曉了此 不順念報應
因緣生明慧 事業無明行 及其所造作
識名色如是 其本情六根 世尊悉達之
因緣所事業 其緣塵勞欲 所貪諸所作

大哀經卷第五

周七

西晉三藏竺法護譯

知衆生本行品第十七

佛告族姓子如來見已及他衆生知於往昔不可稱計本所行業一世十世百世千世百

周七

千世無數世不可計載百千億世天地成敗劫立劫盡亦不可計無能限量天地及劫之返數也而悉知之靡不徹了本於某處名字種姓居止飲食顏色形容壽命長短所更苦樂善惡之事於某處沒生於某處於某處沒復生彼處言語學問音辭章句而悉說之已身本末一切衆生皆以了了爲衆生講如來咸知衆生因所從來本末根原所更苦樂隨其應時察其本末而爲說法識其過去心所執懷心所抱緣使其罣礙或無朽廢所因與

緣本爲何從而而有是心如來皆知其一人心所行如是因其行而起陰蔽如來能悉頌宣無數恒河沙劫所行本末亦復觀察一切十方衆生心之本末等無差特說其本際當來亦然心之所緣如來所覩而演本無有過於此而無窮極是爲如來知其往昔過去衆生之心不可思議不可稱量佛之聖智不可稱計如來察於衆生之行心懷恐懼擾擾不安周旋生死其在其處其從其來其本植德本志在佛道或爲聲聞緣覺之乘緣其種德承佛聖慧悉識念之是爲如來而知衆生所植德本因緣之報應其根原而爲說法而令聽者立不退轉各從本行心所信樂使得其所是爲如來第八之業佛於是頌曰
其劫之數無底億姦世之庭燎悉識往昔

又察己身及知衆生所觀了了如掌中珠
名字種姓顏像亦然住此終沒而周旋處
因何所緣而受其身其平等乘演說彼法
其有過去無量無底衆人之心所想念法
所可由從而其發心最勝大慧而皆知之
其中間心周七往古過去因人所行安住悉知
恒河沙劫稱量本末咨嗟講說不得涯極
當來無底本際之原而爲須宣往古所行
其無儔匹慧不可盡世尊如是聖慧如海
若有衆生立德求佛設於過去恭敬最勝
住佛神足力無所畏悉念於此前世所作
世尊皆知衆生所念如其往本所種衆德
悉識於此住三乘者成不退轉解脫淨道
安住別識過世善行一切衆生無能思議
是爲大聖第八之業以化衆生所度無底

徹視品第十八

佛告族姓子如來至真以淨天眼過於凡俗
皆見衆生生者死者微妙瑕穢善惡禍福好
顏醜姿趣安趣苦如其衆生所興禍福報應
之果如其本末悉知斯實其人如是身行惡
口言惡心念毒害謗毀賢聖墜于邪見以此
邪見所行事業壽盡身壞墮於惡趣危害地
獄苦惱之中於是民人其身行善發口言善
心所念善不謗賢聖隨其正見則因正見所
行快事壽盡身散便趣安處快樂世生如來
於彼則以天眼如其方面觀諸佛土等如空
界無邊無際思其法界而不可得亦無所著
超過一切諸所句跡其有衆生受形類者敢
有現世皆見終沒而復生者其諸佛土今現
在者皆見有外散壞合成又復所現諸菩薩

衆悉復覩見此盡終沒來就其生而復出家
或復所現坐於樹下成最正覺轉于法輪捨
其壽命而取滅度聲聞解脫滅度皆復見此
緣覺之法顯示神足而爲衆生作祐或有衆
生形不現者外道異學五通仙人眼所不覩
聲聞緣覺及諸菩薩所不能逮如來至真則
以天眼悉覩此類如來見於衆生所有微神
眼如車輪多於三千大千世界其不現者不
可稱載衆生之界如是無量浩浩昊昊無有
涯底如來天眼巍巍如茲悉覩一切諸佛國
土衆生種類本末原界何許衆生佛所應化
而隨律者從其人本修行佛戒尋立其前便
化其人餘人在邊猶不見知是爲如來第九
之業佛於是頌曰

如來之天眼 清淨無垢穢 嚴治無量劫

功德威神曜	覩見於十方	諸佛土衆相
所有及與無	諸所可興衰	彼所有衆生
有色并無色	歸於善惡趣	生上下中間
退沒來受胎	行惡墮苦惱	積德則安樂
最勝悉知此	其諸菩薩衆	一切諸佛土
遊步所作行	出生棄家去	若在佛樹下
降伏魔官屬	諸佛皆知此	天眼悉覩之
若佛爲法王	逮上最正覺	所可轉法輪
度脫諸天人	爲作尊佛事	或復放壽命
若復現滅度	佛亦悉覩彼	其聽導師法
思惟而修行	致尊清淨業	興立無惱熱
自聞於經道	毀咎於生死	已度至彼岸
最勝悉見之	其外道聲聞	緣覺及菩薩
天眼之所覩	不究見生界	如來之天眼
清淨無垢穢	普見於衆生	微妙身神處

所現如車輪 衆生細妙身 多於三千界
諸天人民形 生死若干種 衆生界如此
悉知天人想 普爲現佛道 如來所開化
衆生根通利 世雄在前住 爲說尊上法
餘人在其邊 不見如來化 是爲導師業

天眼之勢力

諸漏盡品第十九

佛復告族姓子如來至真皆盡諸漏以無漏
心而修解脫以智慧度已證神通而遵其行
生死已斷建立梵行所作已辦知名色原如
來於彼以無漏慧清淨無垢鮮潔顯曜蠲除
一切諸所止處罣礙之蔽諸聲聞衆諸漏所
盡而有限礙未至止處其緣覺者所盡諸漏
若有限礙於大哀行而無辯才如來至真所
盡諸漏衆行普會而悉備足皆除一切諸所

止處執懷大哀辯才勇猛而無所畏威神巍
巍無能諦察一切世人所不能逮一心一時
而僉平等如來至真亦無罪業罣礙止處威
儀禮節亦無缺漏猶如虛空而本清淨一切
諸魔及諸外道所不能當功德名稱是爲如
來諸漏盡慧不與一切塵欲罣礙而俱合同
是無漏慧住於堅固爲諸塵漏衆生之類講
無漏法除諸所著而說經典從不誠思而出
生矣衆生由此而成衆漏則受陰入是故汝
等觀察而審如來則爲興喻示本而現其前
如應說法令知塵欲虛僞無實使知如審以
了真諦無受法者是族姓子如來至真第十
之業佛於是頌曰

其導師者爲無漏慧明闡廣普清淨無量
所以十力以勢超殊堪住於此篤信導道

諸漏盡慧謂聲聞衆不除止處縛在罣礙
人中之上爲衆導師已除止處獨無限礙
其得緣覺亦復如是無有大哀及與辯才
有佛世尊諸漏已盡以無盡慈辯才無量
清淨尊人住無盡慧知其衆人諸漏所因
緣其好此而與衆生不能曉了斯應順跡
最勝則爲愍哀此三講無常法苦空非身
今此諸法本從無出了是若干致遵佛道
亦無有人及與壽命號名爲人所作亦然
一切衆生倚此若干世尊興愍故說解脫
又其安住不以懈倦亦復未曾減損佛智
是故最勝常懷慇懃心恒憐傷頒宣經道
佛業如是倫匹若茲是爲十力降伏外道
十力所住建立勢強轉無稱量殊勝法輪
四無畏品第二十

佛告族姓子如來至真有四無畏諦住勇猛
所作業者吾爲至真等正覺自了知此諸天
世人沙門梵志魔王釋梵不能障塞如來之
法言不曉了成最正覺未之有也何故如來
名等正覺了一切法悉爲平等無有偏黨其
凡夫法及與佛法則悉平等故成正覺其所
學法及不學法緣覺之法與菩薩法至諸佛
法悉亦等之故曰正覺其計世俗及於度世
有罪無罪有漏無漏有爲無爲有數無數此
二諸法亦悉等之故成正覺彼何故等以空
故等故曰爲等諸見自然以無相等相自然
故以無願等三界自然故以無相等所相自
然故以無行等行自然故以無起等所起自
然故以無依等所依自然故能如審等三世
自然故以慧明等無明恩愛自然之故以泥

洹等生死自然故又族姓子如來至真於一切法如是平等故成正覺是故名曰平等正覺如其如來曉了諸法成最正覺如是建立住於大哀便爲衆生若干方便種種因緣各爲如應而分別說則歸命法因法而生尋時滅盡苦惱之原其此非師自稱爲師不尊稱尊未成正覺自謂正覺是故如來於此儔類獨無所畏超絕無侶而無倫匹是爲如來十一之業佛於是頌曰

於諸法平等 由已成正覺 是故平等覺 如來而普視 其凡夫之法 佛法則亦等 所學不學法 及諸緣覺乘 諸有世俗法 及與度世法 諸善不善行 泥洹一等類 解空及無相 棄捐於諸願 無生無所行 等見於此事 等明如是業 所說亦如茲

因此度衆生 是爲大仙法 佛復告族姓子如來自知諸漏已盡彼諸天人天上世間無能譏謗如來至真敢言諸漏不盡者所謂如來諸漏盡者如來已脫愛欲之原心解諸欲無所罣礙又佛心者已度諸漏蠲除一切塵勞之行無所罣礙是故名曰如來至真諸漏已盡故顯現世以是聖慧第一真諦無敢當前能遮蔽法雨當令除滅穢修之行使其造證是故曰盡無有不盡未曾生盡以此名爲盡如來所盡謂真諦者無所復盡已無所盡此則無爲其已無爲彼則無受無在不在此無處所是謂興立成諸如來住無所生是諸法住如法界住此爲應慧如是應者則無所應亦不滅度亦無所成如是像法則不可得諸漏形色亦不除漏如來大

哀住權方便皆爲衆生而演經典使除諸漏是爲如來十二之業佛於是頌曰

最勝已盡諸漏欲未曾復有貪瞋礙人尊皆脫諸生死已斷瑕穢無有餘

安住皆棄諸無明未曾可得愚癡冥

周七

人中師子諸餘見是故無礙無欲塵

安住所說隨其時皆盡諸漏無生死

究察諸法無所有豈能使盡復令長

其所盡者無伴黨若已盡者假名盡

其有盡者二有爲計彼又無於三相

住於此界無取作佛以聖慧度彼岸

曉了是已應說法是爲安住十二法

佛復告族姓子如來悉了蔽礙塵欲諸罣礙

法而無罣礙天上世間諸天人民無能堪任

毀於如來言不應法於彼何謂廢退於法又

有一事令法廢退何言毀於如來爲不爲一謂心憤亂不能專精復有二法一曰不慚二曰無愧復有三法一曰身行惡行二曰口出麤辭三曰心念毒害復有四法二行於四至不可至一曰憊悞二曰瞋恚三曰觸忌四曰

愚癡復有五法一曰殺生二曰盜竊三曰貪

婬四曰妄言五曰醉酒復有六法一曰無恭

恪心二曰秘惜經典三曰輕毀禁戒四曰不

隨定意五曰不懷法念六曰憍慢法師復有

七法一曰自大二曰憍慢三曰重慢四曰是

周七

我五曰邪慢六曰過諸貢高七曰無能及我

九

復有八法一曰邪見二曰邪念三曰邪言四

曰邪業五曰邪治六曰邪便七曰邪意八曰

邪定復有九法謂九害惱一曰我所敬老而

輕憊之二曰今現輕憊三曰將來當侵四曰

我所憎者而敬愛之五曰今現欽敬六曰將來欽敬七曰曾侵毀我八曰今現侵我九曰將來侵我緣是之故起惱害心復有十法謂十惡業一曰殺生二曰盜竊三曰婬泆四曰妄言五曰兩舌六曰惡口七曰綺語八曰無明九曰鬪諍十曰邪見是爲所行從不順念見應順法而不愛樂墮於顛倒立在陰蓋依倚邪見恩愛之弊則失正法違遠妨廢身口心行如來悉知如其所知知諸蔽礙所說如審如是法者致於蔽礙當除此法已能除去故爲說法令諸衆生去諸陰蓋超然則出是爲如來十三之業佛於是頌曰

諸最勝曉了法 其習此不得脫
著心懷不能捨 謂不知羞慚者
身口意亦如是 初未能將護斯

貪瞋恚癡恐懼 犯殺人偷竊人
犯入妻妾語醉 六失行七憍慢
說於八邪脫門 皆妨廢解脫跡
若不能制其意 乃及十不善句
由不捨不順念 是等類未解脫
見隨逐顛倒者 而依倚放逸議
不當習如是法 可成茲人中尊

佛復告族姓子如來曉了賢聖所行尋造平等盡諸苦惱衆生習善因是得生若造平等便滅患害假使諸天世間人民不能障蔽如來正法謂於至尊不應衆聖之所宗奉不任大道佛永無畏何謂所宗謂一乘道淨衆生心復有二法一曰寂然二曰所願復有三法一曰空二曰無相三曰無願復有四法謂四意止一曰身意二曰痛癢意三曰思想意四

曰意法意復有五法一曰信根二曰精進根
三曰意根四曰定根五曰智根復有六法一
曰念佛二曰念法三曰念衆四曰念施五曰
念戒六曰念天復有七應法一曰意覺意二
曰法覺意三曰精進覺意四曰歡悅覺意五
曰信覺意六曰定覺意七曰護覺意復有八
應法一曰正見二曰正念三曰正言四曰正
業五曰正治六曰正便七曰正意八曰正定
復有九應法一曰第一禪二曰第二禪三曰
第三禪四曰第四禪五曰虛空慧正受六曰
以慧正受七曰不用慧正受八曰有想無想
而爲正受九曰滅於一切諸痛思想正受復
有十應法一曰離殺生二曰離盜竊三曰離
貪婬四曰離妄言五曰離兩舌六曰離惡口
七曰離罵詈八曰離綺語九曰離瞋恚十曰

無邪見住於正業是謂應行離於所生是爲
諸善三十七品合集戒品成於定品合於慧
品究竟解品通達度知見品成賢聖諦離於
所生復次所謂離於所生謂修行平等賢聖
之事所謂應賢聖者彼無法品無二不二有
權無權有進或退若生不生無受無捨道所
越度諸不平等二事之行諸法無二則如審
慧修所依生如來以此無所生行爲衆生說
若能行此衆生歸斯尋盡苦惱是爲如來第
十四業佛於是頌曰

近斯清淨至不可量人所依倚逮致清淨
最勝普聞而悉知之已知經典樂說甘露
至于衆善無數諸法道品清淨爲佛世尊
勇猛習此而得解脫十力所演無有所處
如應順念滅盡塵勞方便等法無憂豐茂

不依於法不倚非法逮平等脫精進平均
其緣善德而依道法恍惚虛無如虛無念
猶如幻化如夢所見彼則得度生死所趣
是爲十力所行之業人所獲致於所周旋
是以大哀而度脫之興隆慈愍於無等倫

十八不共法品第二十一之一

佛復告族姓子如來至真而無缺漏智者愚
者未得未誤失所行正法所以者何如來至
真身行無闕則爲至真平等之覺威神巍巍
端正殊絕威儀禮節視瞻舉動順於等行被
服法衣手執應器行步進止往來周旋經行
坐立倚卧出入郡國州城大邦縣邑聚落足
不踐地千輻相文自然輪現柔輓殊妙香潔
蓮華而現于地如來之足踐於其上其有蟲
蟻含血之類遇如來足晝夜七日而得安隱

壽終之後復生天上其法衣被自然四寸不
觀其體隨嵐之風不能動衣其傍衆生皆得
獲安是故言曰如來之身無有缺漏又族姓
子如來至真有所演辭未曾有短智者愚者
不能得便求瑕闕者所以者何如來至真所
言以時演辭至誠如實無虛應儀合法順如
律教所言平等言行相應語無違失靡不應
時口所說者皆悅一切衆生之心無有復重
義理美要成就莊嚴口演一音悉應衆生志
性所念各得聞知欣然解達是故名曰如來
至真言辭無短又族姓子如來至真心之所
念言無誤失而令智者及與愚者求得便者
心念法失所以者何如來常定無有不寂懷
衆生類得其心本斷除諸失而爲說法是爲
如來十五諸業佛於是頌曰

其尊大人 無有闕漏 身行口善 勝心所念
其世吼護 無短無罪 愍哀入中 憐傷等現
欲求佛失 一切悉無 以此經法 示人令寂
使皆棄此 諸瑕闕行 是爲最勝 十五之業
佛復告族姓子 如來至真 無有麤教 所宣音
響而令諸魔及與官屬并外異學裸形露精
殊別異術而得便者 如來無言亦無有聲離
諸倚著 如來歎說一切衆生咸皆而受不以
爲有亦復不處在於無爲 如來身行靡不究
暢口言無短而令所行人得其便不與世諍
是故如來無有音響常順空行 如來無我亦
無所受復無貪業離一切趣是故如來無有
諍訟設無音響因此蠲除衆生音響而爲說
法是爲如來十六之業佛於是頌曰
若聞咨嗟不以懽悅 若聞毀訾亦不愁感

除諸所著亦無倚望 本修善行行無所著
最勝諦修常順空行 無我無受彼無憎愛
如其所住講說經法 是爲至誠所說尊業
佛復告族姓子 如來常念未曾忽忘亦無憤
亂意不迷慌而違遠法也 如來常定爲一切
智諸通之慧則以脫門定意正受以無能忘
普見一切衆生心行之所住處觀察其本便
以應義而爲說法不違法義辯才開明隨順
無逆其不忘者去來今慧無所罣礙咸見三
世因其已身及其心未曾忽忘慈愍十方
一切衆生亦復如是殷勤念濟而爲說法是
爲如來第十七業佛於是頌曰
導師所念未曾忽忘 順從法禪脫門爲行
一切衆生志性所行 應其所乏而爲說法
所分別了未曾忘失 達於三世應無所犯

大哀經卷第六

周八

西晉三藏竺法護譯

十八不共法品第二十一之二

佛復告族姓子如來至真無若干想亦無衆念而令其心迷惑忘也所以如來無若干想

周八

如虛空土不可窮盡不察衆生而各各異用其本淨無若干故察於諸佛無若干種用其法界不可破壞慧平等故亦於諸法無差別想用無欲故如來不壞奉禁戒者偏愛順念亦不毀咎於犯戒者觀修道者不往肅敬不導道者不以棄忽不計律教是我所也永處邪見不輕忽之如來至真所行平等於一切法是故名曰如來至真無若干想設無若干想則便宣此無若干想開化衆生令不各異衆想消除而爲說法是爲如來十九之業佛

於是頌曰

諸安住道無若干想一切最勝見諸佛土計於經典無各各異諸大名稱所行普等設奉禁戒若毀失者衆生易化若不可化諸兩足尊彼心平等開度衆生各懷貪異佛復告族姓子如來至真無有猶豫所觀察者悉見根原不復思惟所以者何如來大聖道德已成莫觀不成身行謹勅心懷柔順戒禁鮮明智慧殊絕不當瞻觀如來聖明不有超異也佛以智慮常察普護不從愚冥則由度世不墮方俗迷惑之行如來所護因從賢聖不從不聖賢如來所護轉於清淨無上梵輪愍哀衆生而得自在獨步十方不從他人而有所譽無有偏黨又其如來所觀護者無不卒暴常順庠序而無錯謬若有所住得無

受捨已離於二諸所汎流已度四瀆稱量一劫思惟本末不能究盡各各異所不念所作不知過去念無所燒觸不自現功如是審實而無有異佛悉究暢靡所不達是爲如來觀察大哀巍巍若此護諸衆生具足說法是爲

如來二十之業佛於是頌曰

周八

二

如來所觀護 未曾有懈倦 善修其道義 卓然殊特行 其心身如是 禁戒及智慧 尊上爲大人 所行常至誠 如來未曾懷 倚著諸危害 亦無想諸念 不爲虛僞事

其所觀護者 真諦無華飾 便則以此義 爲衆生說法

佛復告族姓子如來至真無有貪損何謂爲貪惟樂善法其善法者爲何謂乎如來大哀未曾損耗亦不倚貪咸於大哀所說經典亦

無誤失不令衆生從於貪欲而致迷耗開化衆生初不謬惑不捨閑靜亦無所啓而有違廢勸諸菩薩未曾喜忘而於三寶恒不斷絕如來至真無所貪著聖明至真道德爲樂是故名曰如來至真無有貪欲而致損耗爲諸

衆生頌宣經典今其慕樂無上正真具諸通慧是爲如來二十一業佛於是頌曰

最勝常不貪 慕樂善德業 慈哀施以法 度脫於衆生 喜樂濟群萌 隨時而開導 最勝不損道 勸不斷三寶 無貪嫉瞋恚

周八

三

不從愚禁忌 由因諸通慧 善慕經典教 見衆生懈怠 最勝化勤修 積無量慧業 以此度群黎

佛復告族姓子如來至真於精進事而不損耗所謂如來精進云何謂開化衆生觀察殷

勤求之所在因而度脫不遺一人於聽經典
常令清徹是爲精進如來至真如是比像得
諸聽經爲諸應器一劫不倦因而聽採其不
懈者大聖宣之一劫不廢爲說經典離於食
饌將護衆生如來至真以一人故於恒河沙
諸佛國土而獨遊步從如開化令發道意如
來身心及口所言不以懈倦身心靜然無有
閑據如來方便精進勤修靡不咨嗟因隨平
等則以精進化于衆生至聖解脫其致道真
乃至申暢如來功勳是爲如來二十二業佛
於是頌曰

其中師子 因精進之力 以此精進力
常而咨嗟之 其精勤勢力 未曾有損耗
所演說經法 用應法器故 安住所精進
無能究暢者 其身口及心 初未曾勞倦

已精進平等 一切無罪覺 其意懷愍哀
常爲衆生說

佛復告族姓子如來至真意之所念一切未
曾而中忘也亦不損耗如來所念意無中廢
所以者何族姓子從初得成至最正覺之道
普見一切衆生過去當來今現在心之所懷
念悉憶識之不中忽忘永存普達衆生之行
如來未嘗復重推極遺慧往察如來所念實
無損耗入於衆生三處諸性入諸人根觀衆
生行如來所興不有觀察亦不思惟而爲衆
生講說經典周八豫知時節進退遲疾而爲分別
授其決矣所以者何其意永存不中忘故如
其心定因無忘識所念衆生尋爲說法是爲
如來二十三業佛於是頌曰
世雄所念心未曾忘又最勝尊不憶重思

其所遊步如成正覺知衆生心無有遺漏亦復未曾倚於識智見於衆生久長性行令其建立無有事業人中之尊爲衆法王佛復告族姓子如來至真無失定意三昧正受一切諸法無有偏黨諸法如審何故如來不失定意用修平等無卒之故三昧亦等故如來等於欲際無欲之際亦復等矣如生死際等泥洹際亦復如是以平等故故能正受此之謂也讚於如來三昧不忘所以者何則於平等無忽無忘亦不退轉如來定者不合於眼亦復不合耳鼻口身意而同塵也諸根不定其三昧定不倚地種亦復不依水火風空亦復不怙欲界色界無色界不慕今世不恃後世無所著故故不損耗是故名曰如來至真定意不忘亦爲衆生講說經典令應法

器致于定意是爲如來二十四業佛於是頌曰

最勝爲常定 定意不損耗 等順一切法
正從佛定意 不倚地水火 風欲色無色
大聖不著此 故不損三昧

佛復告族姓子如來智慧未曾損耗何謂爲智敬達諸法無所不通慧不仰人爲他衆生頒宣聖智方便隨時所決無盡明了一切章句顯跡令入一品住所說經億百千劫假使來問去來進退爲決疑網靡不坦然其慧遍入爲暢三乘剖判歸趣以諸衆生八萬四千行則爲講說八萬四千諸經法藏是爲如來智慧無極無量無盡所說無限慧不損耗亦爲衆生顯示如是無盡智慧而爲說法是爲如來二十五業佛於是頌曰

佛正覺智慧 現在志慕乘 善宣分別解
自在度無極 爲衆生說法 從本性所樂
則以一文字 入無底章句 知於衆生行
所察無邊際 則爲此等頌 八萬四千藏
安住之所宣 智慧無損耗 是爲十力業

故號人中尊

佛復告族姓子如來解脫無有損耗何謂如
來解脫諸聲聞因聲而脫其緣覺者由了因
緣而得解脫諸佛世尊皆離一切罣礙諸二
而得解脫所以名曰解脫者何無過去界不
與當來諸界合同不住現界其眼於色離於
二受名曰解脫耳聲鼻舌味身更心法離
於二受而得解脫心所依倚心本清淨而悉
了之故曰發心之頃成無上正真道如來隨
時爲諸衆生講說經典使離倚受令無所著

是爲如來二十六業佛於是頌曰
諸聲聞衆依音解脫諸緣覺學因緣爲慧
過諸罣礙無垢如空是爲諸佛無所依倚
其心繫在於過去事清淨解脫是爲執心
如應解脫 察衆生根開度衆生不令損耗
佛復告族姓子如來至真知於過去一切身
行所可造業其本明識而不廢退如來所觀
諸勝所行因其隨時而化衆生有所講說而
度群黎默然亦度飲食亦濟威儀禮節顯示
衆生令隨律教或復現於三十二相因而得
救或以自示八十種好因而得度或復欲觀
如來頂相威神巍巍不得諦視光踰日月超
絕無侶因益喜悅而從得度或有衆生趣來
見佛輒隨律教或演光明觀其曜暉而得濟
度或見經行舉足下足悅而得濟或入城郭

從其還出令受開化諸佛世尊舉動進止威儀禮節皆以此事益於衆生靡不受化未曾唐舉是故名曰如來至真一切身業本慧法黨靡不有益而不損耗是爲如來第二十七業佛於是頌曰

其目覩見威儀禮節行步所入若復還出

周八

七

諸相種好及頂威曜以此開化而度衆生導師假使演其光明無數群萌億載安隱見其威曜則隨往教諸兩足尊常修此業佛復告族姓子如來至真口所演業皆爲慧黨曉了自在所以者何諸佛世尊所說經道悉爲應時所說無虛善哉隨宜所可宣言至誠無欺無有罪疊舉動安詳而不卒暴離於羸蹠未曾荒迷常懷質直無有諛諂初不惡口不演羸辭無所倚著口言柔輒進止應法

不爲羸弱性不飄颻亦不狹劣不爲雜碎行步安詳發言和雅其聲柔輒音響香美擇言徐語舒緩時出辭章繁麗滋味具足無有獷硬言無疾病思而後語自護已身所爲應節心念隨時滅其貪欲而除瞋恚燒其愚癡降伏諸魔危害衆惡療治諸疾別其義理悅智者意音如哀鸞聲如天帝其響哀和亦如江海聲靖如地如鵬鷺王命諸眷屬其意安隱如須彌山所發言辭如赤背鳥其聲慈愍猶如鴛鴦相呼和時亦如鴈王將導營從亦如鹿王嗚呼官屬又如篳篥琴箏簫瑟鼓吹應節吹貝吹笙發音斯音相和各各悲快佛之音響柔輒清和過於彼節百千億倍深奧微妙聲無穢濁聞者入耳心中歡然積累德本所宣章句不可窮盡隨時應宜前後相副不

失句義合於法句各從方便不違時節見一切人諸根增減而爲說法布施莊嚴將養戒禁常令嚴淨合集忍辱精進超殊究暢聖業觀察智慧雲集慈心不厭愍哀其喜顯曜不釋所護建立三乘不斷三寶別三峻聚淨三脫門所修至誠周八頌宣智慧爲諸明者不見誹謗諸賢聖所咨嗟志玄曠如虛空一切功勲悉爲備足告族姓子如來言辭發教應節巍巍如是復過於此無可爲喻是故言曰一切所說如來言辭慧響超殊越諸言聲三界無逮最爲慧上靡不應命而順從者是爲如來二十八業佛於是頌曰

無等倫言辭和 以無垢起諸德
發一響入諸聲 響周徧諸三千
令聲聞聽其教 緣覺乘亦如是

或有聞廣其志 發其心求佛道
其聞茲如次第 各暢辭不錯亂
若講說殊勝法 又其心無退念
猶如山之呼響 應其音而來報
人中上言如是 所演說悅衆心

佛復告族姓子如來至真皆知一切衆意所念最爲慧黨靡所不達所以者何察於如來無心意識初無想念而有進退以慧照曜消化衆真其如來慧普至一切衆生心念亦復徧入存一切意超諸群生其識所念諸消化周八法其三昧定無所依仰越于陰蓋離十二緣起之行永捨三毒去於臭穢降伏魔事去虛偽幻諛諂之穢捨于吾我除去無明愚冥根株淨修道業心如虛空而無想念不壞法界告族姓子如來至真其心意業慧黨若茲是

爲如來二十九業佛於是頌曰

不當稱最勝 兩足尊聖心 積累衆聖明

導師業清淨 此安住之慧 處在衆生性

普入靡不周 在自然法界 禪定意如是

一切善備悉 其察心意識 一切無想念

已過諸魔界 超於危害業 自然如虛空

離垢無所在

佛復告族姓子如來至真知於過去慧無罣

礙其所覩見知無損耗所及云何其諸過去

諸佛國土合者成者皆知其數多少進退其

土所有草木山谷諸藥叢林悉分別之其佛

國土所有衆生蚊行喘息身形種類悉識知

之人民言語音聲種類蛸飛蠕動悉曉了之

彼土前後諸佛興出多少之數悉亦演之諸

佛之所頒宣經典卷數多少有所顯照亦悉

暢之化諸聲聞其限若干開諸緣覺入其律

乘悉亦識之敢可勸導爲菩薩學使發大乘

無上正真亦悉具足其佛國土所有好醜言

教行迹轉相瞻侍亦悉恤之其比丘衆言行

舉動上下相順進退之宜亦悉別之有觀壽

命長短久存中天亦復曉之復知隨法建立

年歲亦識喘息長短好醜飲食衣服所止居

業如來悉知過去衆生終始周旋所當往生

諸根若干其行不同志性各異所懷心意境

界殊特其心悉暢而不中忽心念多少好醜

善惡如來悉知其數之限則見目覩不以二

慧而復再思如來至真亦不遣心追推過事

而推知之以其慧心悉覩預見不復重念其

慧如是巍巍無量見衆生性不中有廢而爲

說法是爲如來三十之業佛於是頌曰

佛之聖明慧 無限無罣礙 在諸佛之土
而頒宣經典 勸諸衆生界 今篤信佛道
諸佛國土中 其所行進退 諸人民根原
志性所歸趣 所有藥草木 音響之好醜
過去心名何 諸所可造行 平等覺悉達

觀見如所有

佛復告族姓子如來至真知於當來而無損
耗慧無罣礙皆觀悉達云何知之於當來世
所當興成若復毀壞其合若散如來悉知劫
起所燒觀其水色何等像類其佛國土當還

復者其地廣長闊狹遠近塵埃之數一一備
土諸佛所興教化群黎諸聲聞緣覺之衆
諸菩薩等飲食衣服所止居宅出入喘息行
步舉動所可遊居威儀禮節一一如來所化
衆生立於聲聞緣覺之乘若學大乘如來悉

知一一佛土諸衆生類當往生者其心生念
若干之數諸念所滅如來悉知皆達此已如
來不復而重思念心察懷抱觀於當來常觀
悉見而爲衆生廣說經道是爲如來三十一
業佛於是頌曰

於當來世世之所有當所合成若復毀散
刹土衆生諸佛之數其佛正覺皆成此數
其心未曾而有忽忘其意觀察普達當來
而爲衆生應時說法是兩足尊之所行業
佛復告族姓子如來至真咸見現在而不損
耗其慧所觀無所罣礙所見云何知於現在
十方世界一切國土所有多少之數諸現在
諸佛所現在一切菩薩聲聞緣覺之數多少
星宿形像進行運轉爲有幾所現在一切樹
木藥草山林谿谷十方土地境界遠近國中

塵數悉明其限十方諸水以執一毛搵取其水知其幾滴十方諸火境界興焰若復衰滅存亡所在亦悉達之十方諸風所由形色所從因出往來周旋成敗增益亦悉知之十方虛空迥遠悠邈其里億數無邊無際佛悉知之無有不及如毛塵者知其現在三品之行衆生之界進退難易根本深淺受教遲疾佛知現在地獄衆生所犯殃疊罪適歸此其所因由從其中出當所生處復知方便所用除殃又知現在衆生之種蚊行喘息蠕動之類所因行業而墮此難了其所便可除殃罪當所生處復知現在餓鬼之界所因慳貪而墮此患所當因由方便除罪決所當生知於一切現在衆生心所懷念所爲塵勞愛欲之病復知離欲無塵穢者又知現在一切衆生當

以何律而受開化或復有人不從律教緣知諸天生天上意退沒所歸佛悉知之如是本末初未曾念二慧重思入於無二而爲衆生廣說經法是爲如來三十二業佛於是頌曰諸最勝慧普靡不周無限無量不可思議等如虛空虛無無喻一切世間所不能逮其於十方一切衆生諸所現在當所造行如來悉知觀其根原是諸佛業見悉究暢如來道品第二十二

佛復告族姓子是爲如來所行道業如來以此所行道業開化衆生以無言辭而演文字難當難成又族姓子如來至誠無有敎學能禁制者其業無量不可思議諸天龍神及世間人無能計會稱載所知初無所言而文字現難是難及無能抑制徧諸佛土定意周普

現諸正覺皆已超越無諸邪業無所想念猶如虛空三昧平等察諸法界而無差異所以者何諸佛世尊所可宣說無有若干所因興出無有偏黨等諸衆生國土亦然所說悉同道神不別解脫無異所至滅度亦無若干又族姓子如來至真於諸法界爲一種味成最正覺於衆生界無所蔽礙善權方便以無礙法而悉明了則爲衆生轉其法輪令不退轉阿惟越致譬如族姓子上工珠師修於清淨無垢寶珠重治令曜手執此珠寶舉著濁水令水疑然去濁就清不復勤役而勞其功然後則出著於食味上於瓶甕若於鉢器令其中水皆使清澄所勞功夫不足言耳然後復著大藥味中以微細漣而重洗之所洗已淨去諸刺棘是則名曰夜光寶珠如來至真亦

復如是察諸衆生瑕穢境界爲演無常苦空非身悲哀辛酸苦毒之灾衆生迷惑愛樂生死苦惱患厭爾乃令入賢聖法律如來精進於彼無難然後乃達空無相願如來以慈而開導之所勤精進而無所著便次得成於不退轉願宣經道三場清淨何謂佛界而今衆生來入其境已得越度入如來法故曰無上衆祐之要是族姓子以此因緣當作此觀如來正真所入三昧不可思議修于平等達於三世不斷三寶如來於彼不可思議住於道業猶如虛空其身自然無能逮者現形一切諸佛國土而於諸法永無所獲不擇自在隨其音響而教化之若爲衆生宣經典時皆離一切心諸所緣而悉知見衆生心行志性所趣諸菩薩衆志操清淨諸佛世尊以此等故

興出世間是族姓子是爲如來至誠之議由
無本業謂無所住而不違遠亦無懈怠受苦
薩決不斷言教是則名曰如來道業佛講說
此如來業時十方無量不可計會無數佛土
六返震動其大光明普照諸界兩天華香其
寶清淨佛師子座諸來集會大聲聞衆天龍
鬼神捷沓和等阿須倫迦留羅眞陀羅摩睺
勒比丘比丘尼童士童女咸共聽聞如來宣
此道業法典歡喜踊躍不能自勝善心生焉
各各賫持若干種華名香雜香華鬘塗香衣
服幡蓋及大幢幡鼓諸妓樂琴瑟笙篳篥供養
如來取頭上寶而以散之或賫麻油或執雷
音或取其髮或脫寶璽以珠校飾或明月珠
或懷月珠及解脫華或持無價鮮潔之供或
獲印綬原赦之養或有寶果或以鴈鳥或以

線縷或寂然物不倚空物或頭寶璽或頸著
珠或手或脚所有莊嚴而供養佛悉徧散之
或復又取夜光寶珠或復又取紫磨寶飾以
散其上或馬藏寶天帝殊紺大青寶珠火色
寶珠月光寶珠若干種色瓊異奇寶以供養

散紫磨粟金雜碎白銀木檣雜香檐堂雜香
旃檀雜香黑妙雜香丹赤眞珠似人雜香而
自退漏雨散及諸天華加雨意華無極意華
月度月華柔輭音華大輦響華其華曜目大
地陸地諸華其輪離垢而有百葉或有千葉
或百千葉其光遠照香悉周徧其香美妙洋
溢所觀靡不欣樂其光照曜執持其焰其色
無量文飾交露青蓮芙蓉諸所雜華而自然
墮又復雨地須蔓那華思怙無憂華瓶梧桐
捨著徐詳平順而雨此華笙篳篥樂器簫瑟鼓

吹鼓僂諸伎自然而鳴又復加兩諸天華香雜香衆寶瓔珞寶珠衣服卧具其諸十方來會菩薩踴住空中自投其身用供養佛適各投身不惜軀命應時空中周徧自然覆寶高座有寶交露垂無央數諸寶瓔珞周徧校飾紫金雜廁其飾殊特誠非世有出若干種諸寶蓮華一切所有珍寶瓔珞一一枚珠各有無數不可稱載化菩薩現咸悉共見諸菩薩出適來出已繞佛七匝則復還坐於寶蓮華十方無量諸異國土不可稱計諸佛世尊一一諸佛各各一劫共嗟歎之其供養已經典之要以供養故致於清淨各共歎德窮劫不竟供養法故佛以威神遣諸弟子詣此忍土所齋供養入此忍界其寶莊嚴超踰於此嚴飾寶座殊絕難及彼時大會無數衆生見是

變化皆發無上正真道意不可稱載諸菩薩衆逮得無所從生法忍于時世尊周徧觀察諸菩薩衆汝等正士誰能堪任如是比像清淨莊嚴菩薩所住所當建立如來至真意欲遣使在邊止宿將護視之無有思想亦無音響所敷氍毹毼毼之具彌勒如來成佛已後十六年中當坐於此淨寶高座是爲菩薩行願歸趣名無蓋門大會法品經典之要亦當廣布分別其義彼時所會一切菩薩亦當興發供養此法彌勒如來及於賢劫諸菩薩衆

周八

十六

於時會中有一菩薩名變動諸法王即從座起於蓮華上右膝長跪叉手白佛唯然世尊我能堪任將護於此清淨校飾止息其邊無有思想精勤一心而不懈廢侍於彌勒至誠如來常供養之及於賢劫諸如來衆至真等

正覺等時有魔天名曰所作所立堅強處將
四域來在彼會謂變動諸法王菩薩族姓子
其器云何爲何等類而用其器受此嚴淨令
不毀散變動諸法王菩薩答所作魔族姓子
知一切諸器皆歸壞敗無常存者無所堪受
惟有虛空而可不毀無所妨廢於諸器中最
爲高尊仁行當宜諦察我身目無得瞬必能
覩見於無極器時所作魔觀察變動諸法王
菩薩諦視其身而目不瞬即見變動諸法王
菩薩臍中有水王光明世界何故名曰水王
光明具佛世界悉滿衆水周徧國土若有遙
視如一大海彼有如來名曰樂蓮華首至眞
等正覺於今現在純諸菩薩爲說大乘其水
界中又有蓮華名寶莊嚴其彼如來及諸菩
薩而坐於上時所作魔叉手而立稽首歸命

變動諸法王菩薩變動諸法王菩薩謂所作
魔仁君豈見諸菩薩器答曰已見其器無極
報曰是水君能任受如是像無極天器億百
千劫那術諸劫數之數報壞於此莊嚴校飾
終不枯竭無能消化時所作魔稽首禮佛惟
願世尊我本憶念志在雜碎未見於此諸正
士等未得聞是經典要時欲得速成聲聞緣
覺而取滅度今日又見變動諸法王菩薩威
神巍巍聞此經典感動變化諸所建立至意
當發無上正眞道心如今所作不敢違廢於
最正覺慙傷衆生多所安隱多所將護假使
吾身於江河沙劫地獄見煮然後乃成無上
正眞雖遭此厄不以爲患不捨佛道時佛咨
嗟所作魔曰善哉善哉汝身乃爲大道之故
一心被服弘誓大鎧今仁如此建立志願所

大哀經卷第七

周九

西晉三藏竺法護譯

八總持品第二十三

時有菩薩名師子英在會中坐問總教王菩薩唯族姓子菩薩所立於何總持而皆受持諸佛所說所演經典不可窮盡則以善教悅可衆生靡不忽然如冥覩明總教王菩薩報師子英菩薩所住此八總持悅可衆生使得開達其慧無窮何謂爲八有總持一名淨光音二名無盡法藏三名無量退進四名海印意五名蓮華嚴六名入無礙印七名入分別辯八名建立佛莊嚴故爲八菩薩住此有所暢說悅可衆生時師子英復問總教王菩薩仁族姓子寧可屈意垂哀一切復重解此八總持義廣演其旨設諸菩薩聞此總持所得

辯才必當勤學總教王曰族姓子聽今爲仁說八總持義廣散所歸何謂淨光音假使菩薩住此總持其所入門無所罣礙甚爲鮮潔歸于堅要其意正立而說經典其音通徹聞一佛國或二或三或四或五或十或二十或四十或五十諸佛國土或百或千其音教告諸佛國土或十二或十三或十四或十五或十六或十七或十八或十九或二十或三十或四十或五十或六十或七十或八十或九十或百或千或百千億諸佛國土聞其音教或復通徹無量無際諸佛國土從意所樂欲令音教通于幾何諸佛國土多少無極悉能堪任恣意所欲一師子座而爲十方一切衆生講說經法欲令二十里衆人得聞或四十里或一須彌或至梵天從其衆生本意應說處師子牀建立其志爲諸衆生講說經法悅可其心靡不開解身適處於師子座已十方諸佛皆現其身諸佛說法

皆得聞之適聞已後得總持力悉識念之未曾復忘以斯法典解達其義其所說法諸可聽受無能遏斷入於一文音響之事皆能演說一切文字普入諸響諸因緣句入文字故入無量門說於諸法無有來相諸法無處無

周九

二

所住故諸法自然無所返故諸法懷來無所到故用清淨故諸法無根用無有處所生無故諸法無邊無所成故諸法無盡無所住故諸法無生無所行故諸法不起無所作故諸法不有無因緣故諸法不亂無等御故諸法不滅無有生故諸法無行無所願故諸法無戲無有想念應不應故諸法無言永入無行故諸法無教用有所說而有失故諸法無瞋無有恨故諸法無想無所著故諸法無念無有虛故諸法無倚無所望故諸法無誨於空

等故諸法無辭用無思故諸法無究無師主故諸法無生無有教故諸法悉淨無有來故諸法無我我自然是諸法無人甚清淨故諸法無壽無長存故諸法無命入於義故諸法實空於內寂故諸法無相其本際者無有際

故諸法無願無所受故諸法無行用無爲故

諸法無爲以越所起章句行故諸法不堅無所依故諸法無著無所習故諸法自然用無身故諸法無作所作淨故諸法無業無所入故諸法無報無所合故諸法無合無所壞故

周九

三

諸法無捨無所取故諸法無瞬不可捉故諸法無獲無所指故諸法無觸無所造故諸法無漏無流處故諸法無有志無成故諸法清淨無黏黨故諸法無屬無若干故諸法無色四大無常故諸法無痛無所遭故諸法無想

越衆念故諸法無行離諸欲故諸法無識無
所慕故諸法無界如空等故諸法無捨越諸
界故諸法無境無所由故諸法無貪無所想
故諸法無像無處所故諸法無形無所降故
諸法無濁除諸憤故諸法無憶無所執故諸
法無想無有二故諸法無岸度界跡故諸法
無怙離所在故諸法無常緣不諍故諸法無
名無所在故諸法無雜各隨行故諸法無住
無所存故諸法無爛無所燒故諸法無惡離
諸惡故諸法如水洗諸垢故諸法無災甚清
淨故諸法甚清淨不可數故諸法無計無所
著故諸法無求無有動故諸法無搖不可震
故諸法無爲與空等故諸法虛無無所爲故
諸法無貌無所行故諸法無現無所曜故諸
法無照捨諸明故諸法無比無有邪故諸法

無偏等恍惚故諸法無冥無所視故諸法無
晃無部黨故諸法無罪離於豐故諸法歌頌
作善業故諸法入虛有侵欺故諸法無進無
所立故諸法無見無有類故諸法無聞用寂
然故諸法無馥無有香故諸法無嘗無有味
故諸法無柔無細滑故諸法無識謂無法故
諸法無緣離心意識故諸法無惟道平等故
諸法本淨以滅諸入不復生故如是族姓子
菩薩已逮淨光音於諸因緣文字章句咨嗟
其義若於一劫復過一劫頒宣經典不捨諸
緣文字章句隨時所應不以爲難取要言之
一切諸文各各諸字以一一文爲衆說法於
彼文字而無窮盡善住法眼諦演辭義其言
璨麗於是菩薩住於總持究暢清淨威儀隨
時辯才鮮明其心顯曜遵修慈心其所布施

亦復清淨法施衣食俱無所吝其戒清淨行
無缺漏忍辱清淨心不懷害精進清淨造安
隱業一心清淨寂然無冥智慧清淨捨於闇
昧廣有所照其業清淨無所違失其目清淨
三眼無垢其耳清淨得天耳聽聞諸如來所
講說業其鼻清淨聞於如來戒法之香其舌
清淨無可意味志道法味其身清淨所生一
切不爲胎垢之所點汙其心清淨善權隨時
普入諸法其色清淨相好莊嚴所聞清淨悅
耳之音而無亂響其香清淨戒聞施香所見
被熏其味清淨味復味成大人相細滑清
淨手脚柔輭猶如幼童其法清淨逮法光明
其意清淨所聞經法懷憶不忘其志清淨超
魔徑路行步清淨普入深妙無極經典菩薩
已住於此總持自恣從志告誨教授幾何佛

上光明所照其數亦然又其光明演出一切
十方諸佛所演法教以用逮致於此總持因
得殊特無言辭故是族姓子淨光音總持也
所可演出若有所入所可稱說不可限量此
淨光音總持分別所趣不可思議言辭無極
所決無限所住方面曠而無際入無罣礙佛
言族姓子何謂無盡法藏總持謂色無盡以
色無常故曰無盡說色無常以色苦故亦說
苦惱色無我故亦說無我色寂然故亦說寂
然色恍惚故亦說恍惚色如沫故亦說聚沫
色如幻故亦說如幻色如野馬故亦說野馬
色如水月故亦說水月色如夢故亦說如夢
色如呼響故亦說呼響色如形影故亦說形
影色如照面像故亦說面像色無有故亦說
無有色無學故亦說無學色無究竟故亦說

無究竟其色空故亦說於空色無相故亦說
無相色無願故亦說無願色無行故亦說無
行色無生故亦說無生色無起故亦說無起
色本自然故亦說本自然色用本無故亦說
本無色過去自然故亦說過去自然色當來
自然故亦說當來自然色中自然故亦說中
自然色擔怕故亦說擔怕色靜默故亦說靜
默色無遊故亦說無遊色無戲故亦說無戲
色不可思議故亦說不可思議色無貌故亦
說無貌色無體故亦說無體色無人故亦說
無人色無壽故亦說無壽色無命故亦說無
命色無養故亦說無養色愚騃故亦說愚騃
色不仁故亦說不仁色無神故亦說無神色
如束薪故亦說束薪色如草木牆壁瓦石之
類故亦說草木牆壁瓦石之類色如誑相故

亦說誑相色爲四大故亦說四大色無聲故
亦說無聲色無教故亦說無教色不可得故
亦說不可得色念淨故亦說色念淨色緣起
故亦說緣起色無斷故亦說無斷色非常故
亦說非常色如屋故亦說如屋色無痛故亦
說無痛色從罪福生故亦說罪福色法界苦
故亦說法界色住法界故亦說住法界色於
本際法界而無動故亦說本際色無我故亦
說無我色無受故亦說無受色無載故亦說
無載色無念故亦說無念色無性故亦說無
性色無量故亦說無量色無邊故亦說無邊
其色於道本清淨故亦說道淨色空等故亦
說空等色於泥洹本清淨故亦說泥洹清淨
舉要言之五陰六衰諸法諸名身形句跡徑
路篇章及諸識身悉入一音之所顯曜說無

盡慧計是四大寶藏之篋所諮啓慧亦不可盡其實藏篋聖法經典亦復遊入於無盡慧所頒宣智是爲無盡法藏之總持也一切諸所講說宣傳若於一劫復過一劫咨嗟此德無盡法藏猶不可盡佛告族姓子何謂無量

周九

七

退進總持於彼迴旋斷絕計常而返其流十二緣起從無明緣而自致行從行致識從識致名色從名色致六入從六入致更從更致痛從痛致愛從愛致受從受致有從有致生從生致老病死從死致於哀泣憂感所不可意從致五陰大惱之患已除無明行識名色六入更痛愛受有生老病死啼哭愁感不可陰意大患永除彼從無量宣無限門入於無底是故名曰無量退進之總持也亦受亦捨故曰迴旋無受無捨此之謂也亦起亦滅所

以迴旋不起不滅此之謂也與塵勞合而致諍訟所以迴旋返本清淨無著放逸此之謂也於一切法而有所行所應不應念與不念所以迴返無想無念無應不應此之謂也因緣諸見所以迴返斷因緣見此之謂也名之與色所以迴返無名無色此之謂也有爲無爲所以迴返淨於三場此之謂也有內有外所以迴返不住於識此之謂也罪福報應所以迴返無罪福報此之謂也善與不善所以迴返永無所行不處善惡此之謂也有漏無漏所以迴返無有二事此之謂也殃豐所蔽塵勞之冥所以迴返本淨自然此之謂也計我不我所以迴返其際清淨此之謂也生死沉洹所以迴返諸法泥洹其原靜然此之謂也是族姓子說無量總持進退無底若有苦

薩住是無量退進總持志無所生達法無起於無央數百千劫中講說經典不能究盡總持之慧其義微妙此無量退進總持若入中慧有所宣暢則能覺了清淨道門照曜幽冥靡不坦然佛告族姓子何謂海印意總持猶周九族姓子謂四方域世界之中諸有形色又其像貌山谷樹木諸所生草衆藥之類所有形貌曰月光明珠水曜焰電諸有像貌州城大邦郡國縣邑居舍屋宅所有像貌園觀浴池川流泉源形流行色生活之業自覩形像好醜善惡上中下貌一切諸色及與歸之皆依大海而不別異是謂大海菩薩若住此海印意總持等印一切衆生之身亦復等演文字之教以等心印而印衆生十方諸佛口演所宣無極大法此典皆從菩薩口出佛印見

印所說法者欣而無恨講諸法印慧無所印所可講說悉如來印分別衆諦其無印者永無所行心自然寂其離印者得離欲法清淨之行其度印者所演究竟靡所不通其號印者皆宣名物各各暢了其樂印者除去欲貪放逸恩愛其十印者具足十力其被忍印者淨除諸意其燒陀印者捨於燒熱其六印者成六神通其左披印者棄捐左道其審印者說於真諦其如印者所行如實其哆印者蠲除一切諸所根本其迦印者離所作業其娑周九印者宣暢至誠其徑印者嚴淨道故其輿印者入深妙法故其勢印者顯現勢力故其生印者度生老死故其志印者謂意清淨故其界印者不壞法界故其寂印者具足憺怕故其虛印者虛靜空無無不可盡故其盡印者

消化盡想慧無起故其立印者覺意諦住故其知印者別知一切衆生類故其普印者而悉頒宣諸所興衰其有印者覺了分別所有無有其貪印者消除貪婬瞋恚愚癡之忌難也其已印者已身已通而成正覺其自印者身自解故其旦印者旦自釋捨諸所倚相其數印者滅遣根原其處印者則於處處如有悉知其無印者無有若干其果印者逮得果證其陰印者除諸陰蓋其疾印者離邪疾故其施印者得成施戒普香熏故其堅印者已逮斷堅剛強性故其究印者究暢文字據其根原如是族姓子菩薩說法演若干文悉知一切文字印說是爲海印入總持門佛告族姓子何謂蓮華嚴總持菩薩大士若入衆會在所住處輒爲說經設有所宣于時於彼即

生蓮華其色殊妙菩薩適坐於蓮華逮虛空中則兩蓮華又諸蓮華各各演出若干種音講說經法惟說深義無有雜句嚴飾之教攀引典喻正典上要分別義歸十二部經一曰聞經二曰得經三曰聽經四曰分別經五曰現經六曰應時經七曰生經八曰方等經九曰未曾有經十曰譬喻經十一曰注解經十二曰行經其所演法若有聽者輒盡衆苦菩薩如是自然精進不釋常定于時蓮華所演經典適斷衆苦便行佛事又其菩薩一切毛孔悉出光明化爲蓮華諸蓮華上各化菩薩詣於十方不可涯底無數佛土奉覲諸佛是族姓子名曰蓮華嚴入總持門佛復告族姓子何謂入無礙總持門假使不捨一言辭已至二三四乃至于千所生之處常不忘之或

億百千種種之說悉能識念爲衆宣暢世世不絕諸根和悅顏色殊絕與衆超異悅可衆人無有惱亂或能所說聞於無量江河沙等諸佛刹土或能通暢如佛國塵諸佛國土於是所演諸法門者隨時方便又彼法門一時悉徧諸佛國土滿中塵數諸世界也或三四或五至十百千無量所說應聲亦無所著則無所住其音柔和合衆人心辭美隨時其義雅妙不失其節莫不欣豫入無礙門佛復告族姓子何謂入分別總持曉了其義所宣旨慧而不可盡分別法者所宣正慧亦不可想隨時分別所說明慧亦不可窮分別辯者所宣正智亦無涯底菩薩已獲如此慧者其於東方所有衆生悉能合會令在一處各各隨意言語各異音聲若干從其宜便所知多

少來難菩薩悉能發遣申暢其義南方西方北方四隅上下亦復如是來難菩薩各各問義一時各各盡爲發遣隨音清濁若干種言悉能開解各隨本心而得入道各聞其言音不錯亂則以一音入無數音以無數音則入一音是爲名曰分別莊嚴總持佛告族姓子何謂建立佛相總持若有菩薩得此總持處大法座在於大衆常於虛空住其頂上變交露帳化佛處上紫磨金色三十二相衆好嚴身自承其德頂近如來右手所在化佛舉手適著頭上應時菩薩其身即變成爲佛形莊嚴相好建立其口言辭如佛被蒙其意亦如佛意適能成就逮如是法則入一切衆會心念從其本行而爲宣法一日二日至于五日半月一月半歲一歲五百千歲從意自恣至

于無窮不可計歲離於飲食爲諸衆生而講說經所宣經典而無有窮盡其身不懈心亦不怠悉是如來之所建立聖威所接彼則成致於四大慧何謂四一曰慧解一切衆生志操二曰分別章句靡不通暢三曰則以聖智所宣無盡四曰則從其人本所學乘了其意歸而解說法是族姓子如來相建立總持所入門者有所宣說又此總持所可演義不可稱載無有邊際通佛境界爾時總教王菩薩觀於如來說如斯義以偈頌曰

安住已宣說 於八總持行 此乘所宣獲
分別得解暢 說億載經典 辭不得邊際
其議所分別 說者無所損 佛音甚柔和
其聲微妙快 宣告江河沙 無量千佛土
衆生得聽聞 逮成得滅度 此總持清淨

所暢音無際 講說無數劫 其法無窮盡
一句之言辭 宣布不可說 一切諸文藻
智者得隨時 是爲法篋藏 覺意無涯底
皆棄諸非受 其行甚清淨 亦不著中間
不隨退轉界 斯勇普惟法 專精而奉行
其逮得總持 蠲除衆根原 其於四域界
諸所有形類 一切悉等印 江海無思惟
其有逮得此 海印之總持 彼行者印門
所說無思議 若在衆會中 大人講說法
尋於虛空中 廣雨諸蓮華 又諸蓮華者
演億千法教 蓮華嚴總持 清淨德若茲
一音所演句 二三及五六 諸音各各聞
聲而不錯亂 千億百那術 言辭不可盡
有逮得總持 所覺無罣礙 其所宣辯才
法義說應時 十方衆生來 各各共難問

悉爲發遣之 決了所疑法 其逮得總持
 意所覺如此 其大人正士 若坐於高牀
 諸佛以右手 而摩著頂上 其人得辯才
 如佛無有異 用逮此佛化 妙上總持故
 假使此菩薩 逮成總持者 彼意所懷德
 無際不可念 周九 講說億千劫 猶如江河沙
 咨嗟其功德 境界不可盡 如蓮華自然
 踊處於三世 堅住如須彌 所部無能動
 假使有逮得 無上之總持 其慧則普流
 周徧於三世 若在衆會中 勇猛如師子
 調御諸外學 降伏令成就 假使有逮得
 此上之總持 在所遊行處 悉棄諸恐懼
 其光踰天明 所照而隨時 其行若如水
 洗除衆垢穢 其行亦如火 無想無有念
 其行亦如風 不著諸境界 其行亦如醫

療治諸疾厄 隨時給法藥 湯火而救濟
 其有逮得者 極上妙總持 彼慧無瞋恨
 隨根而解說 其行如月明 能除夜衆冥
 心等光明正 而演大暉曜 其有逮得此
 總持最無覺 衆生來觀瞻 視之無厭極
 其行喻日光 照曜於暗冥 開三界衆生
 使得覺悟解 若逮得於此 最上之總持
 枯竭於衆庶 愛欲塵勞原 其行亦如王
 典領其國土 如息意王教 以法施所聞
 其有逮得此 最上之總持 一切無所受
 不著於諸有 其行猶如龍 意強有神變
 興雲雨爲衆 亦復出電焰 其有逮得此
 最上之總持 此放諸法雨 消滅衆惱熱
 其行如天帝 不爲諸容色 而見所迷惑
 心廣而思法 其有逮得此 最上之總持

諸來衆會者 悉瞻戴其顏 其慈之所行

等遊如梵天 一切無等倫 來生於此世

其有逮得此 最上之總持 彼生於梵天

所在常清淨 則成大五通 常與衆超異

遊百千佛土 難計無思議 其有逮得此

最上之總持 彼供養十方 無央數諸佛

諸佛所咨嗟 隨所止方面 悉共愍哀之

念之如一子 其有逮得此 最上之總持

計如是不久 當逮佛功勲 其辯甚廣遠

所演無窮盡 說種種微妙 無數諸經典

其有逮得此 最上之總持 嚴行如華鬘

辯才如流泉 在衆意堅強 所覺而通暢

其慧無涯底 所行如虛空 其有逮得此

最上之總持 彼則無憍慢 離諛諂自大

其智慧善權 所遊而自恣 能精進奉行

當修慈愍哀 其有逮得此 最上之總持

一切皆蠲除 有爲之瑕穢 知衆生言辭

所說之善惡 了衆人所好 一切諸根行

其有逮得此 最上之總持 本所可宣暢

其義不可盡 精勤禪定意 諸根及五力

覺意略如是 其寂然最上 其有逮得此

最上之總持 彼則觀諸法 所獲甚清淨

於諸度無極 已逮至彼岸 意強而明達

慧了諸四忍 其逮得於此 最上之總持

其人自然解 安住諸所行 寂然成憺怕

仁和無放逸 威儀禮節行 分別住安諦

其有逮得此 最上之總持 其人未曾有

不與諸塵勞 以成如法幻 志性離瑕穢

所在胎生處 不能垢所染 其有逮得此

最上之總持 則住於蓮華 立在諸佛前

其人身口意 威神無缺漏 普興一切慧
周流歸衆生 其有逮得此 最上之總持
諸佛所逮化 說法而自立 已成大智慧
爲衆生行道 於無數劫中 歎德不可窮
其有逮得此 最上之總持 若有欲歎譽
無能得原際

於是世尊讚總教王菩薩善哉善哉仁快說
此咨嗟總持之所入行所以然者此法自然
無所依怙不仰他人仁已曾往過去諸佛更
問深妙總持門故以是之故汝族姓子當作

斯觀等無有異

大哀經卷第七

音釋

忻 許斤切 喜也
籛 詰叶切 箱籛也
咤 陟嫁切 梵言也
哆 丁可切 梵言也
攄 丑居切 舒也
藻 子浩切 藻白藻
怙 侯古切 恃也

大哀經卷第八

周十

西晉三藏竺法護譯

往古品第二十四

佛告族姓子乃往過去久遠世時劫數無量不可計會懸曠極遠不可思議爾時有佛號

離垢光如來至真等正覺明行成爲善逝世

周十

間解無上士道法御天人師號佛世尊世界曰善離垢劫名照明其界清淨地紺瑠璃淨如明鏡地平如掌其界之土瑠璃爲地生七寶樹枝葉華實皆亦寶成又自然生衆寶蓮

華大如車輪其色若干見者心歡其形微妙香潔甚美實爲交露屋宅精舍諸天人民被服飲食猶如第六自在天上人民鮮潔行步安詳其姪怒癡眇而薄少舉動言教其佛世界無有日月其佛離垢光明身出大暉徧諸

佛土晨夜常明昧爽不別蓮華合者則知爲冥蓮華開者則知爲明其離垢光如來至真諸菩薩衆有八百億出家菩薩居士菩薩無能限量不可稱載建立無上正真之道其佛土地不聞異學無有異乘惟修大乘行悉淳淑立不退轉世尊云何爲彼說法惟演空慧空無相教佛壽半劫衆人居宅若干種寶佛即行步皆隨時節諸天亦然其於地上立交露帳舍宅居中名之爲人其處虛空而立屋宅棚閣名之爲天起止飲食等無差別又其佛界無復國君惟離垢光世尊則爲無上大法之王諸天人民無各各異皆來事師各無異名所作不別無有異念惟奉如來諮受經典思惟其義彼無女人無罪處名無犯塵欲其土衆生惟學三度一曰禁戒二曰守心三

曰學智何謂爲戒習諸通慧心念不捨棄捐
諸行何謂守心住於定意逮得神通何謂爲
智住智度無極得分別辯如是族姓子有學
如此名曰學度是諸菩薩不受禁戒其土清
淨巍巍如是世尊說法嚴妙殊絕卓然無喻
時彼佛土諸菩薩中有一菩薩名曰光首即
從座起偏出右肩右膝著地叉手白佛唯然
世尊所言總持爲何謂也菩薩何住諸佛所
說皆能執持爲衆生演令心歡悅佛告光首
又族姓子有總持名爲寶曜菩薩住此悉受
諸佛之所講說悅衆生心光首又問惟願如
來宣說寶曜總持其中義理我等聞之奉之
如教逮此總持離垢光佛尋爲光首菩薩歎
此頌曰
欲逮得寶曜 永除諸塵穢 於垢而無垢

捨諸一切染 心常淨離著 是寶曜總持
逮得此持者 其明無不照 其身口清淨
光明性離垢 等意行慈心 是寶曜總持
已脫三十二 解諸一切想 則離衆希望
是寶曜總持 所遊入懷勇 大德如虛空
解明如虛靜 是寶曜總持 不斷于三寶
絕三垢三世 窮盡衆苦原 是寶曜總持
害貪婬恚癡 除塵諸穢濁 寶樹愛欲意
寶曜總持尊 諸所有音響 世間上中下
入於一切聲 寶曜持離垢 精勤深奧法
無數妙句義 不著吾我人 總持離此二
逮得分別辯 堅住於四道 四禪震于梵
是寶曜總持 第一法藏義 啓受四等行
遵修五神通 寶曜總持尊 諦住四意止
常順四勤斷 奉于四神足 是寶曜總持

已受持五根	而立於五力	能修七覺意
是寶曜總持	奉於八由路	化寂然所觀
至於明解脫	是寶曜總持	遊戲所住地
近順解脫道	除斷一切惱	是寶曜總持
照明一切世	寂光之道場	眼清淨廣照
是寶曜總持	天眼淨如此	智慧眼曜冥
眼淨爲法目	是佛眼清淨	是塵淨於魔
此五陰消害	亦淨於死魔	歸命力降魔
住於此總持	至億那術土	見姦數諸佛
得聞上經典	以聽廣妙法	意力懷總持
分別其義趣	爲天世人宣	心明發意知
解了所報應	其法入於慧	住總持逮此
辯才無罣礙	三達三明淨	逮得三脫義
精進逮總持	無數諸總持	無限說無量
逮此總持勝	便獲一切所	其禪及脫門

正受極三昧	神通自娛樂	當入此總持
若海諸水王	萬川河流歸	是勝總持然
諸法門無量	入於無盡意	悉解無窮慧
其福無涯底	行總持逮此	色像衆相好
種性慧清淨	珠寶離垢掌	逮總持如此
入於深要藏	懷無從生忍	在不退轉地
說是總持者	無數諸菩薩	求於無上道
已逮此總持	成佛不爲難	十方諸最勝
說法愍衆生	逮此總持者	辯才無斷絕
悅億姦衆生	知根意所信	口未有所說
逮此持如是	則轉於法輪	度百千衆生
立之於尊乘	勇住此總持	無數那術劫
嗟歎其功勳	逮此總持者	不能盡究暢
如是族姓子	離垢光如來	至真說此總持竟
諸大衆中三萬二千菩薩	逮此總持	光首菩

薩亦復逮得此寶曜總持於族姓子意云何
爾時光首菩薩豈異人乎勿作斯觀所以者
何則爾身是以是之故總教王於今堪任度
諸穢惡亦復於此諮問如來章句通利無猶
豫心決其疑網猶是之故今世勇猛直啓前
問不難如來是決總持宣照世間令意坦然
仁者修法自觀達故會此復重獲此總持意
懷勇猛心自頌宣

智本慧業品第二十五

於是智積菩薩時在彼會前白佛言菩薩云
何逮寶曜總持已能獲致不復忽忘益於衆
生以總持力而自立業佛告智積族姓子其
有菩薩住於智本而爲智慧業爾乃逮得寶
曜總持不復忽忘益於衆生智積菩薩復白
佛言善哉世尊惟爲解說何謂智本何謂慧

業佛言且聽善思念之當爲汝說智積菩薩
受教而聽佛告族姓子諦聽義旨思存心懷
是爲智本如所聞法則以具足爲他人說是
爲慧業觀察分別是爲智本啓發衆會令得
開解是爲慧業隨順觀察知其根原是爲智
本隨時開化建立衆生是爲慧業修平等行
而無偏黨是爲智本奉平正行不爲邪疑是
爲慧業心無所生都無所著是爲智本雖心
不生能宣經典是爲慧業閑處靜思其心寂
寞是爲智本身心晏然而無憤亂是爲慧業
心常樂一萬事不起是爲智本識一乘道而
不違捨是爲慧業專修憺怕而能觀察是爲
智本得明解脫蠲除衆冥是爲慧業遵于專
一三脫之門是爲智本證明三達去來今事
是爲慧業篤信道誼而無疑惑是爲智本度

於一切諸所罣礙是爲慧業其心不怯志懷
勇慧是爲智本身心休息離於汲汲是爲慧
業其意安詳而不卒暴是爲智本思惟懸曠
而悉識念是爲慧業如有所毀尋即覺制是
爲智本心常正定而得其所是爲慧業遵修
意止申暢意法是爲智本意無所存亦無所
念是爲慧業奉四意斷令捨根原是爲智本
則已淨本蠲除衆瑕曉了諸法是爲慧業修
學神足忽然輕舉是爲智本已無所行而逮
神足是爲慧業習化五根根原常寂是爲智
本分別諸根之所歸趣是爲慧業住於五力
勢不可動是爲智本降魔塵勞令欲不起是
爲慧業曉了七覺逮柔順忍是爲智本分別
諸法一切自然是爲慧業合集由路通暢無
滯是爲智本若以識別浮筏譬喻其非法者

立之於法是爲慧業明識苦集而修道業是
爲智本明證盡諦智本無盡是爲慧業諷誦
經典識其句義是爲智本已通經典而能奉
行是爲慧業一切所聞皆能執持是爲智本
遵仰衆義不違其理是爲慧業於受音響而
無所著是爲智本順其經典而識正旨是爲
慧業觀諸萬物一切無常是爲智本而悉曉
了於無所行一切諸法是爲慧業觀諸萬物
一切皆苦是爲智本一切諸法計本空無是
爲慧業察一切法而無吾我是爲智本觀諸
衆生本悉清淨是爲慧業聞真諦法不懷恐
怖是爲智本分別諸法之所歸趣是爲慧業
觀察寂然泥洹憺怕是爲智本一切諸法本
淨寂滅是爲慧業聞於經義不懷猶豫畏懼
之難是爲智本曉了義理知其止歸是爲慧

業聽如審法不疑沉吟是爲智本分別辯才
剖判其本是爲慧業於一切音聽不恐懼是
爲智本隨時宣暢各令得所是爲慧業聞佛
辯才不懷弱怯是爲智本識其辯才而徧頌
宣是爲慧業爲衆生故慈奉法行是爲智本
不捨慈愍以慈加衆是爲慧業自爲己身亦
爲他人而興愍哀是爲智本俱於二事而無
所著發無盡哀是爲慧業愛喜道法而懷悅
豫是爲智本不舉不下無所違失是爲慧業
離於結縛危害之事而以觀察是爲智本曉
了己身舉動進止是爲慧業常念於佛心無
他思是爲智本明識法身而無所倚是爲慧
業常念經典識其義理是爲智本而能分別
離於欲法是爲慧業常念聖衆供養諸道是
爲智本逮於無爲觀察無塵是爲慧業常念

惠施濟諸窮厄是爲智本捨一切塵而順道
意是爲慧業常念戒禁而自謹慎是爲智本
而已習行於無所行識別禁戒是爲慧業常
念於天使意開解是爲智本其法清淨離於
穢塵是爲慧業若有所聞覆疏其義是爲智
本與諸世俗無所覆校是爲慧業所作事業
安諦無失是爲智本而悉曉了無作無報是
爲慧業不懷貢高而不自大是爲智本得無
極慧而成大智是爲慧業所行爲己自省其
身是爲智本爲己亦及二事俱興是爲慧業
若能執持八萬四千諸法經藏是爲智本分
別八萬四千諸行是爲慧業曉了隨時而宣
經典是爲智本如應講經無所違失是爲慧
業開化衆生建立於道是爲智本智度無極
善權方便教誨衆生立不退轉是爲慧業未

曾畏懼五趣所生是為智本所生之處多所
將護是為慧業精勤自修逮音響忍是為智
本常以修行無所懷生是為慧業自將其節
得柔順忍是為智本若已逮得起法忍是
為慧業發意勤修不退轉地是為智本超然
進前阿惟顏地是為慧業其行已成坐佛樹
下是為智本所當曉了斷除疑礙解是平等
皆以一時發心之頃隨時順義成於無上正
真之道為最正覺是為慧業佛欲重宣暢此
義爾時頌曰

若聽受其法 啟問無放逸 斯清淨衆人
諮奉於智本 聞之則能演 慈心布諸民
其菩薩殊勝 為造慧之業 善意而思惟
是為明智本 分別說所行 是為慧之業
行如所順念 是則為智本 此行為人說

是為慧之業 逮心無所生 此則為智本
心行無所起 是為慧之業 淨修正真行
是則為智本 宣暢造所行 是為慧之業
專一寂道行 是則為智本 身心不計我
是為慧之業 畏難生死習 是則為智本
愛樂一乘道 是為慧之業 好樂寂然觀
是則為智本 思惟明脫事 是為慧之業
精勤三脫門 是則為智本 明證三達智
是為慧之業 精修四意止 是則為智本
念無意無我 是為慧之業 棄惡修善行
是則為智本 本淨除此法 是為慧之業
勤致四神足 是則為智本 不貪習神足
是為慧之業 篤信淨解脫 是則為智本
度一切罣礙 是為慧之業 精進不倚息
是則為智本 身意已休息 是為慧之業

其志了安詳	是則為智本	不住一切處
是為慧之業	自覺識定意	是則為智本
行本淨正受	是為慧之業	善建立五根
是則為智本	知衆生諸根	是為慧之業
奉行於五力	是則為智本	殷勤得聖慧
是為慧之業	覺意柔順忍	是則為智本
解了一切法	是為慧之業	勤修道精進
是則為智本	棄捐法非法	是為慧之業
方便苦自然	是則為智本	於證不滅盡
是為慧之業	修持隨義典	是則為智本
導御從義理	是為慧之業	不厭倦諸聞
是則為智本	履順其要行	是為慧之業
如應求其義	是則為智本	奉行於聖達
是為慧之業	不倚於壽命	是則為智本
所念如法教	是為慧之業	求觀物無常

是則為智本	於是知無生	是為慧之業
信脫萬物苦	是則為智本	諸法悉無為
是為慧之業	解諸法無我	是則為智本
其性以清淨	是為慧之業	信脫泥洹寂
是則為智本	衆生永滅度	是為慧之業
觀察其義理	是則為智本	覺義而分別
是為慧之業	若篤信經典	是則為智本
暢達於經法	是為慧之業	不畏一切害
是則為智本	曉了諸歸趣	是為慧之業
不離佛辯才	是則為智本	曉了自恣說
是為慧之業	建立衆生慈	是則為智本
得無緣之慈	是為慧之業	哀已及他人
是則為智本	不想著我人	是為慧之業
常得歡喜悅	是則為智本	不悅無所起
是為慧之業	不造為恩愛	是則為智本

心不得二脫	是爲慧之業	其意常念佛
是則爲智本	若隨法身教	是爲慧之業
常思惟經典	是則爲智本	明識法報應
是爲慧之業	念聖衆功勳	是則爲智本
若覺了無爲	是爲慧之業	若心好布施
是則爲智本	設捨一切塵	是爲慧之業
思戒甚清淨	是則爲智本	住無漏之禁
是爲慧之業	念於大神天	是則爲智本
若念淨復淨	是爲慧之業	所聞而覆疏
是則爲智本	不與世同塵	是爲慧之業
善修謹勅業	是則爲智本	作於無所作
是爲慧之業	謙遜不自大	是則爲智本
不計吾有慧	是爲慧之業	已身常精勤
是則爲智本	爲衆生造行	是爲慧之業
若持諸法藏	是則爲智本	曉了衆生行

是爲慧之業	度一切諸惡	是則爲智本
歸三處衆生	是爲慧之業	惠施爲仁愛
等立益衆生	開化使離穢	是爲慧之業
皆以等利之	視如佛功德	正士則如是
是爲慧之業	畏所有熾然	是則爲智本
思惟生於彼	是爲慧之業	不瞋得盡慧
是則爲智本	興無所生慧	是爲慧之業
若得音響忍	是則爲智本	其行如所念
是爲慧之業	致柔順法忍	是則爲智本
無所從生忍	是爲慧之業	住不退轉地
是則爲智本	得阿惟顏地	是爲慧之業
坐於佛樹下	是則爲智本	已逮諸通慧
是爲慧之業	計其智之本	是曰爲道心
依怙於此心	所作爲慧業	常諦住道心
則能不動轉	是業爲慧事	所行常隨時

若修行佛道 是心道之本 佛神力如是
亦分別辯才 若於無數劫 咨嗟此功勳
佛德及光明 不可得邊際 其過去諸佛
現在亦如是 若當來安住 十方不可計
其有欲供養 此無量最勝 當順隨道心
則成無放逸

佛說於此智本慧業時十方無量諸佛國土
六返震動寶嚴高座亦復如是於是智積菩
薩前白佛言唯然世尊今者何故十方世界
不可計會無數佛土六返震動其虛空中所
立高座亦復如是佛言族姓子是智本慧業
經典要品過去如來之所歎說往古世時智
積菩薩在於虛空多所持護啓問如來佛爲
解答是故地大震動光明普照
智積菩薩品第二十六

爾時有菩薩名速分別辯前白佛言智積菩
薩何故號曰爲智積耶佛告族姓子乃往過
去久遠世時有佛號名首寂如來至真等正
覺明行成爲善逝世間解無上士道法御天
人師爲佛世尊世界曰精勤劫名阿摩勒其
佛世界安隱快樂衆生無患首寂如來諸菩
薩衆四萬二千諸聲聞衆八萬四千皆悉恭
恪謙卑順教其佛辯才以方等經爲諸菩薩
興百億難歌頌悉周告諸菩薩汝等正士誰
能堪任受百億難一一解說而發遣之彼諸
菩薩又報佛言過今夜已當發遣之或言七
夜或言半月或言一月思惟然後乃能發遣
各各自思白世尊義時彼衆會有一菩薩名
曰覺意前白佛言惟願大聖我不起坐不整
威儀無所思察於如來前令尊證明悉當發

遣所可難議時此正士適師子吼三千大千世界六返震動其大光明普照世間以此威光告地上神四天王天忉利天焰天兜率天無惱樂天化自在天上至魔界天梵天梵身天梵滿天梵魔著天大梵天光曜天妙光天無量光天光音天嚴淨天妙淨天無量淨天難及天善見天善勝天離果天一善天空慧天識慧天不用空慧天有想無想天悉來集會諸比丘比丘尼童士童女不可稱計亦皆來會及諸十方諸所千界悉來住立於高座前時覺意菩薩見諸大衆悉來集會承已福力意強霸力及總持力分別辯力無所畏力奉佛威力在於佛前諸衆會中取百億難一一諸難與百億義而發遣之不轉其時不移其座亦不起立不動膝腳所說流滑義不差

錯聞者坦然若冥觀明同時會中六萬人衆皆發無上正真道意八萬四千菩薩逮得無所從生法忍首寂如來則讚之曰善哉善哉其音應時徧告三千大千世界其地上神上至淨身諸天之衆皆聞其聲悉共咨嗟今此菩薩乃能發遣百億衆難當號名之爲智積也族姓子智積以是之故名曰智積欲知爾時覺意菩薩豈異人乎莫作斯觀所以者何則是智積菩薩也

歎品第二十七

於是總教王菩薩前白佛言未曾有也世尊諸佛世雄乃能善決於是淳淑無上正真之道暢其文字不可限量入無限義難受難持解了深妙十二緣起不能勤學亦爲甚難其二行者無能及者是六情難滅坐有所著推

不能解非是下劣聲聞緣覺地所能逮者是
菩薩行印一切法覆校法界則以平等猶如
虛空無有作想悉無所著越所希望別衆生
行曉了一切報應之緣而復頒宣智度無極
廣修善權奉淨寂句逮得神通以等行故入
佛一門無有差特不爲若干等定如空黨無
等倫等無所等諸佛平等離於二事修行滅
寂去諸文字導御於衆令分別解暢其音響
於義無獲所得等習奉行三寶講三脫門度
於三界曉了三達興發自在譬喻定意則能
建立諸佛之法懷來佛慧饒益一切諸佛所
歎唯然世尊若族姓子及族姓女有能信此
去來今佛如是比像所講道義無量之慧以
信樂至發無上正真道意將護正法聞如此
經典之要持諷誦讀具爲人說得福無底則

周十

十四

於如來爲有返復孝順報恩佛言如是如是
族姓子如爾所云若族姓子族姓女佛目覩
見十方諸佛所現國土滿中七寶持用奉施
如來至真等正覺若復有人持是經典勤諷
誦讀具足講說爲衆宣傳殷勤精進啓受正
典敬懷行之而不違斷三寶之教如是行者
德超于彼不可稱限於時世尊說此義已歎
此頌曰

吾以佛眼覩諸國土諸如來等如積紫金
供諸如來福尚尠少若聞此典功德乃廣

周十

十五

其有應器得聽斯經深奧玄妙第一至真
已具即受持諷誦讀計此功祚爲最上尊
最勝若此常住於法從法養生不從衣食
是故當奉安住之法則爲孝順報諸佛恩
爾時世尊告衆一切諸會菩薩誰能堪任受

是過去當來現在諸佛世尊無上正真道法
之護吾滅度後於五濁世時俗慣擾能傳此
經使廣流布令其正法住在久存應時彼會
六萬億姪諸菩薩衆同時舉聲而歎頌曰
五等衆人僉共堪任將護如來無數億劫
百千那術所集無上正真道教於後末世
當廣宣布又復大聖惟加威恩建立神德
今此經典於後末世使廣流布令衆生類
咸共奉命宣令人民得植德本已積德者
耳得逮聞

於時世尊即歎頌曰

正覺言至誠 住於真諦法 以此建誠信
順立于斯經 彼於無盡哀 而住無極慈
演愍傷衆生 故建立斯經 成就功德品
越諸聖慧黨 普入諸所行 故建立斯經

降伏一切魔 消化諸異學 壞一切邪見
故建立斯經 四王天帝釋 梵王演布施
天龍犍沓和 故建立斯經 地神虛空天
雜碎諸小天 見佛多所達 當奉持此詔
修於四梵行 四諦自莊嚴 將護於所部
故建立斯經 虛空無色像 今無色有色
佛之所建立 無能動移者
於時四天王異口同音則於佛前以頌讚曰
吾等順此典 佛威所將護 子孫及眷屬
還逐而侍衛 若有受持者 精勤於道教
我等當奉事 周十 四面營翼之
於時天帝釋則於佛前歎此頌曰
吾等報佛恩 當護導師法 是神妙經者
行者得成佛 我等爲諸佛 孝順報護經
將養如是典 以此奉持法

於是梵三鉢天王則於佛前歎此頌曰

其不習放逸 越度一切乘 悉從是經生
深奧義殊絕 當捨梵天安 設此經所在
當故往聽受 亦當隨營護
於時兜率天王則於佛前歎此頌曰

其一生補處 從兜率天下 便當奉持此
佛所說經典 世間我堪任 棄捐天安樂
遊住閻浮提 聽說此經典

於時魔子導師則於佛前歎此頌曰

以畢魔罪業 不復從害教 其受持此經

識義而奉行 我當擁護此 如來之經典

令興其精進 普使具足獲

於是魔波旬於世尊前歎此頌曰

吾於衆生類 不復爲敗亂 其有受持此
攝壞衆欲塵 諸魔不得便 說此經典者

諸佛所建立 吾當將護之

於是須深天子於世尊前歎此頌曰

諸佛之正道 此經悉演說 若有持斯經
則奉一切佛 我當執此典 爲億數天讚
勸助發道意 聞者則遵行

於是彌勒菩薩於世尊前歎此頌曰

若有志有道 其慈不須屬 擁護一切法
自出意布施 吾詣兜率天 佛之所建立
如是正像經 當令普流布

於是耆年大迦葉於世尊前歎此頌曰

吾等慧薄少 聲聞之所說 當任其勢力
執持世尊法 若有受持此 當往侍衛之
堪以宣辯才 讚之爲善哉

於時舍利弗於世尊前歎此頌曰

法猶如虛空 世護之所說 吾當將養之

奉敬斯正典 若所在方面 奉持如是經
住在於後世 將念一切族

於時耆年大目犍連於世尊前歎此頌曰

世尊今現在 清淨諸衆生 以持此經典
察義觀奉行 於百千劫中 終不歸惡趣

已受於佛決 則爲法王子

於是賢者阿難於世尊前歎此頌曰

我面於佛前 聞無數千經 從本未曾有

聞如是此經 今已遭此典 親從聖諮受

當今普流布 爲求佛道者

爾時世尊咨嗟釋梵護世四天及諸天子菩

薩聲聞善哉善哉仁等諸正士汝等乃能擁

護正法又如是比演師子吼今我重囑於正

士等殷勤委累其有衆人志於大乘未得法

忍若遇如此建立經典受諷誦讀常與如來

而面相見如是不久當得其決成於無上正
眞之道若聲聞乘受佛此經當於彌勒如來
至眞第一會數若緣覺乘以此經典持諷誦
讀吾滅度後雖無所聞成緣覺道佛說於此
總教王菩薩所問經典義時無央數人皆發
無上正眞道意不可計會諸菩薩衆立不退
轉地不可稱載諸菩薩等逮得無所從生法
忍無限世界六返震動其大光明普徧十方
天雨衆華其於十方來會菩薩咸供養佛奉
敬正典普及一切實嚴高座化作寶華而俱
舉聲宣暢功德吾等善利獲無極慶身自親
近得至於此逮聞如是決疑經典當令世尊
釋迦文尼延命久壽長存於世使此經典存
閻浮提當永流布其比丘比丘尼童士童女
受持如此比像經者是等亦令當蒙擁護亦

使長壽常以弘恩加益衆生悉蒙得度

囑累品第二十八

於是總教王菩薩前白佛言至未曾有世尊
善分別說此經典義所演微妙其辭瓌麗菩
薩元首所當行者降制一切諸魔異學方便

隨時導御諸典而復悅可得衆生心出生一

周十

十七

切諸乘之行悉入如來無極功勲親具諸願
顯現大道是經典者所名爲何云何奉行佛
告總教王菩薩是經號如來大哀佛所宣教
當奉持之聞如來善蒞未曾虛妄當奉持之
佛說如是總教王菩薩十方世界來會開士
諸大弟子釋梵四王天龍鬼神捷沓和阿須
倫迦留羅真陀羅摩睺勒比丘比丘尼童子
童女一切衆會諸天世人聞佛所說莫不歡
喜

大哀經卷第八

音釋

棚

薄庚切
棧閣也

筏

房越切
筏也

猶豫

豫羊茹切
多疑不决也

豫